

全元曲

丁亥
始秋
大壯
署



全元曲卷一

金陵盧前纂

伯顏 劉秉忠 元好問 薩都刺 王惲

伯顏

中呂喜春來

金魚玉帶羅襪扣。卓蓋朱轎列五侯。山河判斷在俺筆尖頭。得意秋。分破帝王憂。

劉秉忠

南呂翠盤秋

失題八首

乾荷葉。合蒼蒼。老柄風搖蕩。減了清香。越添黃。都因昨夜一場霜。寂寞在秋江上。
乾荷葉。映著枯蒲。打柄難擎露。藕絲無。倩風扶。待擎無力不承珠。難宿灘頭鴛。
根摧折。柄欹斜。翠減清香謝。恁時節。藕絲絕。紅鴛白鴛不能遮。憔悴損乾荷葉。
乾荷葉。色無多。不禁風霜剗。貼秋波。倒枝柯。宮娃尋唱採蓮歌。夢裏繁華過。

南高峰。北高峰。慘淡烟霞洞。宋高宗。一場空。吳山依舊酒旗風。兩度江南夢。
夜來个。醉顏酡。不記花前過。醒來呵。二更過。春衫惹定落釵斜。拌倒花抓破。
乾荷葉。水上浮。漸漸浮將去。跟將你去。隨將去。你問當家中有媳婦。問着不言語。
脚兒尖。手兒纖。雲鬢梳兒露半邊。臉兒甜。話兒粘。更宜煩惱更宜歡。直恁風流倩。

雙調折桂令

四時遊賞四首

盼和風。春雨如膏。花發兩枝。北岸冰消。天桃似火。楊柳如烟。裊裊柔條初出。谷黃鶯弄巧。乍銜泥。
燕子尋巢。宴賓東郊。杜甫遊春。散誕逍遙。

炎天酷熱。如燒。散髮披襟。執扇輕搖。積雪敲冰。沉李浮瓜。不用百尺樓高。避暑愛涼亭淨掃。樹陰
稠綠。波池沼。流水溪橋。右軍觀鵝。散誕逍遙。

梧桐一葉初凋。菊綻東籬。佳節登高。金風颯颯。寒雁呀呀。促織叨叨。滿目黃花衰草。一川紅葉飄
飄。秋景蕭蕭。賞菊陶潛。散誕逍遙。

朔風瑞雪飄飄。暖閣紅爐。酒泛羊羔。如飛柳絮。似弄胡蝶。亂剪鵝毛。銀砌就樓臺殿閣。粉妝成野
外荒郊。冬景寂寥。浩然踏雪。散誕逍遙。

元好問

中呂喜春來

春宴四首

春盤宜翦三生菜。春燕斜簪七寶釵。春風春醞遊人懷。春宴排。齊唱喜春來。
梅殘玉麝香猶在。柳破金梢眼未開。東風和氣滿樓臺。桃杏折。宜唱喜春來。
梅擎殘雪芳心奈。柳倚東風望眼開。溫柔樽俎小樓臺。紅袖遠。低唱喜春來。
攜將玉友尋花寨。看褪梅妝等杏腮。休隨劉阮到天台。仙洞窄。且唱喜春來。

雙調驟雨打新荷

失題二首

綠葉陰濃。過池塘水閣。偏趁涼多。海榴初綻。妖豔噴香羅。乳燕雛鶯弄語。有高柳鳴蟬相和。驟雨
過。似珍珠亂糝。打遍新荷。

人生百年有幾。念良辰美景。一夢初過。窮通前定。何用苦張羅。命友邀賓玩賞。對芳樽淺酌低歌。且酩酊。任他兩輪日月。來往如梭。

薩都刺

南呂一枝花

妓女蹴鞠

紅香臉襯霞。玉潤釵橫燕。目彎眉斂翠。雲髻鬢堆蟬。絕色嬋娟。畢罷了歌舞花前宴。習學成齊雲天下圓。受用盡綠牕前飯飽茶餘。揀擇下粉牆內陰陰日轉。

〔梁州第七〕素羅衫垂彩袖低籠玉筍。錦鞦褭襯烏靴款蹴金蓮。占官場立站下人爭羨。似月殿裏飛來的素女。甚天風吹落的神仙。拂花露榴裙荏苒。滾香塵綉帶蹁跹。打着對合肩拐全不斜偏。踢着對鴛鴦扣。且是輕便。對泛處便穿膝抹膝的攬搭。揆俊處使拂袖沾衣的撒演。妝翹處使回身出鬢的披肩。猛然笑喘。紅塵兩袖纖腰倦。越丰韻越嬌軟。羅帕香勻粉汗妍。拂落花鈿。

〔尾聲〕若道是成就了洞房中惜玉憐香願。媒合了翠館內清風皓月筵。六片兜香皮做姻眷。茶

摩挲邊。薔薇洞前。管教你到底團圓。不離了半步兒遠。

王惲

正宮黑漆弩

游金山寺并序

郝曲子嚴伯昌嘗以黑漆弩侑酒。省郎仲先謂予曰。詞雖佳。曲名似未雅。若就以江南煙雨目之何如。予曰。昔東坡作念奴曲。後人愛之。易其名曰醉江月。其誰曰不然。仲先因請予效顰。遂追賦金山寺一闋。倚其聲而歌之。昔漢儒家畜聲妓。唐人例有音學。而今之樂府。用力多而難為工。縱使有成。未免筆墨勦淫為狹耳。渠輩年少氣銳。淵源正學。不致費日力於此也。其詞曰。

蒼波萬頃孤岑矗。是一片水面上天竺。金鰲頭滿嚙三杯。吸盡江山濃綠。蛟龍處恐下然犀。風起浪翻如屋。任夕陽歸棹縱橫。待償我平生不足。

曲山亦作言懷一詞遂繼韻戲贈

休官彭澤居閒久。縱清苦愛吾子能守。幸年來所事消磨。只有苦吟甘酒。平生學道在初心。富貴浮雲何有。恐此身未許投閑。又待看鳳鱗飛走。

正宮雙鴛鴦

柳園辭

暖煙飄絲楊橋。旋結柔圈。折細條都把發春閒。懊惱碧波深處一時拋。野溪邊。麗人天。金縷歌聲碧玉圈。解被不祥隨水去。盡回春色到樽前。問春工。二分空。流水桃花颺曉風。欲送春愁何處去。一環清影到湘東。步春溪。喜追陪。相與臨流醉一杯。說與碧茵羅襪客。遠將愁去莫徘徊。東園芳。俯銀塘。迎致新祥被舊殃。不似漢皋空解佩。歸時襟袖有餘香。醉留連。賞春妍。一曲清歌酒十千。說與琵琶紅袖客。好將新事曲中傳。

樂府合歡曲讀開元遺事。去取唐人詩而為之。一名百衲錦。因觀仕南麓所畫華清宮圖而作。

驛塵紅。荔枝風。吹斷繁華一夢空。玉輦不來宮殿閑。青山依舊御牆中。
亂橫戈。李君何。扈從人稀北去多。塵土已消紅粉豔。荔枝猶到馬嵬坡。
歲東巡。洛陽城。天樂宮中夜徹明。不意李謩偷曲去。酒樓吹笛有新聲。
雨霖鈴。却歸秦。猶是張徽一曲新。長記上皇和淚聽。月明南內更無人。
憶開元。掌中仙。入侍深宮二十年。長記承天門上燕。百官樓下拾金錢。
錦城頭。錦江流。回望長安帝儘愁。那更血魂來夢裏。杜鵑聲在散花樓。
驛坡前。掩嬋娟。慘亂旌旗指望賢。無復一生私語事。柘黃袍袖淚潸然。
九龍池。百花時。樂按梁州愛急吹。揭手便拈金旆舞。上皇驚笑勃拳兒。
信音沉。淚沾襟。秋雨鈴聲閣道深。人到愁來無會處。不關情處也傷心。

越調小桃紅

平湖樂十首

平湖雲錦碧蓮秋。香浥蘭舟透。一曲菱歌滿樽酒。暫消憂。人生安得長如舊。醉時記得。花枝仍好。

却羞上少年頭。

鑑湖秋水碧於藍。心賞隨年淡。柳外蘭舟莫空攬。典春衫。舣舷一棹汾西岸。人間萬事。暫時放下。一笑付□□。

平陽好處是汾西。水秀山投翠。誰道微官淡無味。錦幃泥。路人爭笑山翁醉。西山殘照。閑卿何事。險忙殺暮鴉啼。

秋風嫋嫋白雲飛。人在平湖醉。雲影湖光淡無際。錦屏圍。故人遠在千山外。百年心事。一樽濁酒。長使此心違。

採蓮人語隔秋煙。波鏡如橫練。入手風光莫流轉。共留連。畫船一笑春風面。江山信美。終非吾土。問何日是歸年。

秋風湖上水增波。水底雲陰過。憔悴湘纍莫輕和。且高歌。凌波幽夢誰驚破。佳人望斷。碧雲暮合。道別後意如何。

綠荷相背倚西風。涼露煙霏重。翠蓋銀瓶醉時捧。使君公。徑須傾倒玻璃甌。青山城郭。暮雲樓閣。

高下一重重。

安仁雙鬢已驚秋。更甚眉頭皺。一笑相逢豈開口。王為丹。新詞淡似鵝黃酒。醉時扶路。竹西歌吹。人道似揚州。

水邊楊柳綠絲垂。倒影奇峯墜。萬疊蒼山洞庭水。碧波瑤。一川煙景涵珠媚。會須滿載。百壺春酒。搥鼓蕩風猗。

黃雲罷亞捲秋風。社瓮春來重。父老持杯十分送。使君公。秋成不似今年痛。太平天子。將何為報。萬壽與天同。

乙亥三月七日宴湖上賦三首

春風吹水漲平湖。翠擁秋千柱。雨葉蘭橈闌來去。萬人呼。紅衣出沒深波處。鰲頭遊賞。澆花風物。好箇暮春初。

山陰修楔說蘭亭。似覺平湖勝。春服初成靚妝瑩。玉雙瓶。興來徑入無何境。使君高宴。年年此日。歌舞樂昇平。

柳邊飛蓋簇晴煙。人在平湖。碧歛瑤珞映歌扇。綺羅筵。人生幾度春風面。江山畫裏。一時人物。斜日重流連。

堯廟秋社

社壇煙淡散林鴉。把酒觀多稼。霹靂絃聲闌高下。笑喧嘩。壤歌亭外山如畫。朝來致有。西山朝氣。不美日夕佳。

壽李夫人

眼明欣見太平人。環佩嬰香潤。洞裏瑤華自高韻。八千春。裊煙已報長生信。一杯更買。麻姑蒼海。安坐看揚塵。

謝林高韻本蕭然。百歲春風面。白髮兒孫羨康健。誥鸞鮮。彩雲扶下長生殿。鄉閭盛說。一家榮養。初不羨魚軒。

南枝消息小春初。香滿閒庭戶。見說仙家舊風度。壽星圖。瑞光浮動雲衢婺。繡筵開處。散花傳盞。彩袖不曾扶。

小園不惜買花錢。妝點蟠桃宴。傳語風光莫流轉。百來年。人生幾度春風面。細思誰似。君家阿媽。康健地行仙。

牙牙長憶點妝紅。曾得含飴弄。此日筵前一杯捧。白頭翁。紫簫吹斷繁華夢。百年留在。故都瓊樹。依舊動春風。

慈親康健說誰家。李氏人難亞。錯鳳筵中見多暇。醉簪花。肩與勝似宮門畫。從今看取。君家餘慶。門戶爛生華。

壽府僚

錦貂千騎朔方豪。瀚海淵波浩。畫戟清香看傾倒。醉仙桃。秋光雖晚人難老。煙花紫禁。王魚金帶。新寵照朝袍。

辛卯九月二十五日夜。解衣欲睡。適有飲興。顧樽澄餘醪。燈綴玉虫而樂之。然酒味頗酷。乃以少蜜漬之。浮大白者再。覺胸中浩浩。殊酣適也。仍以樂府絳桃春歌之。

少年鯨吸酒入川。甘苦從人勸。老大含飴最深戀。妾中邊。一甜掩盡黃柑釀。更憐中有。百花風味。

一笑為君妍。

笑分花露出妝奩。香軟金杯漱。滿看華池潤吾咽。展眉尖。坡仙釀法真堪美。却憐蜜課蜂兒官府。辛苦為誰甜。

全元曲卷二

金陵盧 前纂

關漢卿

關漢卿

正宮白鶴子

失題四首

四時春富貴。萬物酒風流。澄澄水如藍。灼灼花如繡。
花邊停駿馬。柳外攬輕舟。湖內畫船交。湖上驂騑驟。
鳥啼花影裏。人立粉牆頭。春意兩絲牽。秋水雙波溜。
香焚金鴨鼎。閒傍小紅樓。月在柳梢頭。人約黃昏後。

仙呂醉扶歸

禿指甲

十指如枯筍。和袖捧金樽。搗殺銀箏字不真。揉損天生鈿。縱有相思淚痕。索把拳頭搥。

仙呂一半兒

題情四首

雲鬟霧鬢勝堆鵝。淺露金蓮簌絳紗。不比等閒牆外花。罵你箇俏冤家。一半兒難當一半兒耍。
碧紗窗外靜無人。跪在牀前忙要親。罵了箇負心回轉身。雖是我話兒嗔。一半兒推辭一半兒肯。
銀臺燈滅篆烟殘。獨入羅幃淹淚眼。乍孤眠好教人情興懶。薄設設被兒單。一半兒溫和一半兒寒。

多情多緒小冤家。迤逗得人來憔悴煞。說來的話先瞞過咱。怎知他。一半兒真實一半兒假。

中呂朝天子

從嫁媵婢

鬢鴉。臉霞。屈殺了將賠嫁。規模全是大人家。不在紅娘下。巧笑迎人。又談回話。真如解語花。若咱。
得他。倒了蒲萄架。

南呂四塊玉

別情

自送別。心難捨。一點相思幾時絕。憑闌袖拂楊花雪。溪又斜。山又又遮人去也。

閒適四首

適意行。安心坐。渴時飲。饑時餐。醉時歌。困來時。就向莎茵卧。日月天長地闊。閒快活。舊酒沒。新醅潑。老瓦盆邊笑呵呵。共山僧野叟閑吟和。他出一對雞。我出一對鵝。閒快活。意馬收。心猿鎖。跳出紅塵惡風波。槐陰午夢誰驚破。離了利名場。攢入安樂窩。閒快活。南畝耕。東山卧。世態人情經歷多。閑將往事思量過。賢的是他。愚的是我。爭甚麼。

雙調沉醉東風

失題五首

咫尺的天南地北。霎時間月缺花飛。手執着饒行盃。眼閣着別離淚。剛道得聲保重將息。痛煞煞教人捨不得。好去者望前程萬里。

憂則憂鬢孤鳳單。愁則愁月缺花殘。為則為俏冤家。害則害誰曾慣。瘦則瘦不似今番。恨則恨孤

緯繡衾寒。怕則怕黃昏到晚。

伴夜月銀箏鳳閒。暖東風繡被常慳。信沉了魚書。絕了雁盼。雕鞍萬水千山。本利對相思若不還。則告與那能索債的愁眉淚眼。

夜月青樓鳳簫。香風翠髻全翹。雨雲濃。心腸俏。俊龐兒王嬾香嬌。六幅湘裙一捻腰。間別來十分瘦了。

面比花枝解語。眉橫柳葉長疎。想着雨和雲。朝還暮。但開口只是長吁。紙鷁兒休將人廝應付。肯不肯懷兒裏便許。

雙調大德歌

四季四首

子規啼。不如歸。道是春歸人未歸。幾日添憔悴。虛飄飄柳絮飛。一春魚雁無消息。只見雙燕闌唧泥。〔春〕

俏冤家。在天涯。偏那裏綠楊堪繫馬。困坐南窗下。教對清風想念他。蛾眉淡了教誰畫。瘦巖巖羞

戴石榴花〔夏〕

風飄飄。雨瀟瀟。便做陳搏睡不着。懊惱傷懷抱。揜簌簌。淚點拋。秋蟬兒噪罷寒蛩兒叫。浙零零細雨洒芭蕉。〔秋〕

雪紛紛。掩重門。不由人不斷魂。瘦損江梅韻。那裏是清江江上村。香閣裏冷落誰睂問。好一箇憔悴的凭闌人。〔冬〕

失題六首

粉牆兒低。景淒淒。正是那西廂月上時。會得琴中意。我是箇香閣裏鍾子期。好教人暗想張君瑞。敢則是愛月眠遲。

綠楊隄。畫船兒。正撞着一番風趕上水。馮魁喲的醺醺醉。怎相着金山寺壁上詩。醒來不見多姝麗。冷清清空載月明歸。

鄭元和受寂寞。道是你無錢。怎奈何。哥哥家拚破。誰著你搥銅鈴唱揜歌。因把亞仙門前過。恰便是司馬淚痕多。

謝家村。賞芳香。疑怪他桃花冷笑人。著誰傳芳信。強題詩也斷魂。光陰下等待無人問。只聽得黃犬吠柴門。

雪粉華。舞梨花。再不見煙村四五家。密酒堪圍畫。看疏林噪晚鴉。黃蘆掩映清江下。針纜着釣魚艖。

吹一箇。彈一箇。唱新行大德歌。快活休張羅。想人生能幾何。十分淡薄隨緣過。得磨陀處且磨陀。

雙調碧玉簫

失題十首

黃召風虔。蓋下麗春園。員外心堅。使了貳茶船。金山寺心事傳。豫章城人月圓。蘇氏賢。嫁了雙知縣。天稱了他風流愿。

怕見春歸。枝上柳綿飛。靜掩香閨。簾外曉鶯啼。恨天涯錦字稀。夢才郎翠被知。寬盡衣。一搦腰肢細。癡。暗暗的添憔悴。

盼斷歸期。劃損短金篦。一搦腰圓。寬褪素羅衣。知他是甚病疾。好教人沒理會。揀口兒食。陡恁的

無滋味。餐越恁的難調理。

簾外風篩涼月滿閒階。燭滅銀臺。寶鼎串煙埋。醉魂兒難捋挂。精彩兒強打捱。那裏每來你取問。論詩才。哈。定當的人來賽。

你性隨邪。迷戀不來也。我心癡呆。等到月兒針。你權娛受用別。我淒涼為甚迭。休謊說。不索尋吳越。嚼負心的教天識者。

席上尊前。衾枕奈無緣。柳底花邊。詩曲已多年。向人前未敢言。自心中待告天。情意堅。每日空相見。天甚時節成姻眷。

膝上琴橫。哀怨動離情。指下風生。瀟灑弄清聲。鎖窗前月色明。雕闌外夜氣清。指法輕。助起騷人興。聽王漏斷人初靜。

紅袖輕揎。玉筍挽秋千。畫板高懸。仙子墜雲軒。額殘了翡翠鈿。髻鬆了柳葉偏。花邊邊笑撚春羅扇。搦玉腕鳴黃金釧。

秋景堪題。紅葉滿山溪。松迳偏宜。黃菊遠東籬。止清樽斟潑醅。有白衣勸酒盃。官品極。到底成何

濟歸學取宅淵明醉。

笑語喧嘩。牆內。豈。豕。反。柳穿花。院。似。那。嬌。娃。媚。孜孜。整。絳。紗。顫。巍巍。插。翠。花。可喜。煞。巧。筆。難。描。畫。他。困。倚。在。秋。千。架。

商調梧葉兒

別情

別離易。相見難。何處鎖雕鞍。春將去。人未還。這其間。殃及殺愁眉淚眼。

黃鍾侍香金童

失題

春閨院宇。柳絮飄香雪。簾幙輕寒雨乍歇。東風落花迷粉蝶。芍藥初開。海棠才謝。

〔幺〕柔腸脈脈。新愁千萬疊。偶記年前人乍別。秦臺玉簫聲斷絕。雁底閨河。馬頭明月。

〔降黃龍滾〕鱗鴻無个。錦箋慵寫。腕鬆金。肌削玉。羅衣寬徹。淚痕淹破。胭脂雙頰。寶鑑愁臨。翠鈿羞貼。

「么」等閑辜負。好天良夜。王爐中。銀臺上。香消燭滅。鳳幃冷落。鴛衾虛設。王筍頻搓。繡鞋重擲。
「出隊子」聽子規啼血。又西樓角韻咽。半庭花影自橫斜。畫簷間。丁當風弄鐵。紗窗外。琅玕敲瘦節。

「么」銅漏玉漏催淒切。正更闌人靜也。全閑蕭灑轉傷嗟。蓮步輕移。呼侍妾。把香桌兒安排打快些。

「神仗兒煞」深沉院舍。蟾光皎潔。整頓了寬裳。把名香謹爇。伽伽拜罷。頻頻禱祝。不求富貴豪奢。只願得夫妻每早早圓備者。

大石調青杏子

離情

殘月下西樓。覺微寒輕透衾綢。華胥一枕。彎跼覺。藍橋路遠。吳峯烟漲。銀漢雲收。
「么」天付兩風流。番成南北悠悠。落花流水人何處。相思一點。離愁幾許。撮上心頭。
「茶蘼香」記得初相守。偶爾閒因循成就。美滿効綢繆。花朝月夜同宴賞。佳節須臾。到今一旦休。

常言道好事天慳。美因緣宅娘間阻。生折散鴛交鳳友。

〔么〕坐想行思。傷懷感舊。各辜負了星前月下深浮呪。怨不損。愁不煞。神天還佑。宅有日不測相逢。話別離情。取一場消瘦。

〔好觀音煞〕與怪友狂朋尋花柳。時復間和哄消愁。對着浪蕊浮花。懶回首。快快歸來。元不飲杯中酒。

〔尾〕對着盞半明不滅的孤燈。雙眉皺。冷清清沒箇人。做誰解。春衫紐兒扣。

仙呂翠腰裙

閨怨

晚來雨過山橫秀。野水漲汀洲。闌干倚遍空回首。下危樓。一天風物暮傷秋。

〔不么遍〕乍涼時候西風透。碧梧脫葉。餘暑纔收。香生鳳口。簾垂王鈎。小院深闌清晝。清幽。聽聲聲蟬噪柳梢頭。

〔寄生草〕為甚憂。為甚愁。為蕭郎一去經年久。玉臺寶鑑生塵垢。綠窗冷落閑針繡。豈知人玉腕

釧兒鬆。豈知人兩葉眉兒皺。

〔上京馬〕他何處共誰人攜手。小閣銀瓶滯歌酒。早忘了。不記得低低耨。

〔後庭花煞〕掩袖暗含羞。開樽越釀愁。悶把苔牆畫。慵將錦字修。最風流。真真思愛。等閑分付等閑休。

南呂一枝花

杭州景

普天下錦繡鄉。寰海內風流地。大元朝新附國。亡宋家舊華夷。水秀山奇。一到處堪遊戲。這答兒忒富貴。滿城中繡幕簾風。一闌地人烟湊集。

〔梁州〕百十里街衢整齊。萬餘家樓閣參差。並無半答兒閑田地。松軒竹徑。藥園花蹊。茶園稻陌。竹塢梅溪。一陀兒一句詩題。行一步扇面屏幃。西鹽場便似一帶瓊瑤。吳山色千疊翡翠。兀良望錢塘江萬頃玻璃。更有清溪綠水。畫舫兒來往閑遊戲。浙江亭緊相對。相對着險巖高峯長怪石。堪羨堪題。

〔尾〕家家掩映渠流水。樓閣崢嶸出翠微。遙望西湖暮山勢。看了這壁。覷了那壁。縱有丹青下不得筆。

雙調新水令

失題

玉驄絲鞵金鞍鞵。繫垂楊小庭深院。明媚景。豔陽天。急管繁弦。東樓上恣歡宴。

〔慶東原〕或向幽窗下。或向曲檻前。春纖相對埽紈肩。閑凭看玉肩。雙歌採蓮。鬪撫冰弦。遠却少年心。稱了于飛願。

〔早鄉詞〕九秋天三徑。遍綻黃花遍撒金錢。露春纖。把花笑揅捧金杯酒頻勸。暢好是風流如五柳莊前。

〔掛打沽〕淺淺江梅驛使傳。亂剪碎鵝毛片。旋剖溫橙列着玳筵。王液看金瓶旋。酒暈紅新妝面。人道是窮冬。我道是虛言。

〔石竹子〕夜夜嬉遊賽上元。朝朝宴樂賞禁烟。密愛幽歡不能戀。無奈被名韁利鎖牽。

「山石榴」阻鷺鳳。分鶯燕。馬頭咫尺天涯遠。易去難相見。

「么」心間愁萬千。不能言。當時月枕歌聲戀。到如今。番作陽關怨。

「醉也摩挲」真個索去也麼天。真個索去也麼天。再要團圓。動是經年。思量殺俺也麼天。

「相公愛」晚宿在孤村。悶怎生眠。伴人難愁月當軒。月圓人幾時圓。不似它南樓上。鬪嬋娟。

「胡十八」天配合。俏姻眷。分拆開。並頭蓮。思量席上與樽前。天生的自然。那些體面。也是俺心上。有常常的夢中見。

「一錠銀」心友每相邀。列着管弦。却子待歡解動淒然。十分酒十分悲怨。却不道怎生般消遣。

「阿那忽」酒勸到跟前。只辨的推延。桃花去年人面。偏怎生冷落了今年。

「不拜門」酒入愁腸悶。怎生言。疎竹蕭蕭西風戰。如年。如年似長夜天。正是恰黃昏庭院。

「金盞子」咱無緣。風流十全。儘可憐。芙蓉面。腕瓏着金釧。鬢貼着翠鈿。臉朵着秋蓮。眼去眼來相思戀。春山搖。秋波轉。

「大拜門」王免鵲牌懸。懷揣着帝宣。稱了俺男兒深願。忙如王鞭。急催駿駟。恨不乘到俺那佳人。

家門前。

「也不羅」只聽得樂聲喧。列着華筵。聚集諸親眷。首先一盞攔門勸。走馬身勞倦。

「喜人心」人叢里遙見。半遮着羅肩。可喜時風流業冤。兩葉眉兒未展。百般的陪告。一剎的求和。只管里熬煎。它越將個能兒變。咱百般的難分辨。

「風流體」胡猜咱。胡猜咱。居帝輦。和別人和別人相留戀。上放着上放着賜福天。你不知。你不知。神明見。

「忽都白」我半載來孤眠。信口胡言。枉了把我冤也麼冤。打聽的真實。有人曾見母親根前。恁兒情願。一任當刑憲。死而心無怨。

「唐兀歹」不甫能告求的綉幃里頭眠。痛惜輕憐。展眼不得絲窗兒外月明。却又早轉。暢好是疾明也麼天。

「尾」腰肢困擺垂楊軟。舌尖笑吐丁香喘。綉幃里無人。並枕低言。暢道美滿姻緣。風流纏綿。天若肯為人為人足。今生願。盡老同眠也者。也強如雁底閨河路兒遠。

雙調新水令

失題

楚臺雲雨會巫峽。赴昨宵約來佳期話。樓頭棲燕子。庭院已聞雅。料想他家。收針指晚妝罷。

〔喬牌兒〕款將花逕踏。獨立在紗窗下。顫欽欽把不定心頭怕。不敢將小名呼咱。只索等候他。

〔鴈兒落〕怕別人瞧見咱。掩映在餘籬架。等多時不見來。只索獨立在花陰下。

〔掛搭鉤〕等候多時不見他。這的是約下佳期話。莫不是貪睡人兒忘了那。伏塚在藍橋下。意懊惱。恰待將他罵。聽得呀的門開。暮見如花。

〔豆葉黃〕髻挽烏雲。蟬鬢堆雅。粉膩酥胸。臉襯紅霞。嫋娜腰肢更喜恰。堪講堪誇。比月裏嫦娥。媚孜孜。那更撐達。

〔七弟兄〕我這里覓他。喚他哎。女孩兒。果然道色膽天來大。懷兒裏搜抱着俏冤家。搵香腮情語低低話。

〔梅花酒〕兩情濃。興轉佳。地權為牀榻。月高燒銀臘。夜深沉。人靜悄。低低的問如花。終是個女兒。

家。

「收江南」好風吹綻牡丹花。半合兒揉損絳裙紗。冷丁丁舌尖上送香茶。都不到半霎。森森一向遍身麻。

「尾」整烏雲欲把金蓮屐。紐回身再說些兒話。你明夜个早些兒來。我等聽着紗窗外芭蕉葉兒上打。

越調鬬鵲鶯

女校尉

換步那蹤。趨前退後。側脚旁行。垂肩擗袖。若說過論搭頭。賺答板樓。人來的掩。出去的兜。子要論道兒着人。不要無找徕順紐。

「紫花兒」打的箇桶子。賺特顯暗足窩妝腰。不揪拐回頭。不要那看的每側面。子弟每凝眸。非是我胡謔。上下泛前後左右。懸過從的員就。三鮑敲失落。五花氣從頭。

「天淨沙」平生肥馬輕裘。何須錦帶吳鉤。百歲光陰轉首。休閑生受。嘆功名置水上浮漚。

〔寒兜令〕得自由。莫剛求。茶餘飯飽邀故友。謝館秦樓。散悶消愁。惟蹴鞠最風流。演習得踢打溫柔。施逞得解數滑熟。引脚躡龍斬眼。擔擔拐鳳搖頭。一左一右。折疊鶻勝遊。

〔尾〕錦纏腕。葉底批鴛鴦。叩入脚面帶黃河逆流。白打賽官場。三場兒盡皆有。

又

蹴鞠場中。鳴珂巷裏。南北馳名。寰中可意。夾縫堪誇。拋聲盡喜。那喚活。煞整齊。款側全連。微那玉體。唐裙輕蕩。繡帶斜飄。舞袖低垂。

〔紫花兜〕打得箇稻子。賺特硬。吟扇拐偏疾。有一千來搗拾。上下泛云云的。論道兜直。使得箇插肩來可喜。板老巢雞。足窩兜寒利。

〔小桃紅〕裝跳委實用心機。不枉了誇強會。女輩叢中最為貴。煞曾習。沾身那取着田地。趕起了白踢。諸餘里。快收拾。

〔調笑令〕噴鼻。異香吹。羅襪長粘見色泥。天生藝性諸般兒會。折末你轉花枝。勸賺當對鴛鴦叩體樣如畫的。到啜賺得校尉每疑惑。

〔禿廝兒〕粉汗濕珍珠亂滴。寶髻偏鵝體斜堆。虛蹬落實拾躡起。側身動柳腰脆。丸膝。

〔聖藥王〕甚旖旎。解數兒希。左盤右折煞冒習。甚整齊。省氣力。勞行側脚步頻移。來往似粉蝶兒飛。

〔尾〕不離了花前柳影閑田地。關白打官場小踢。竿網下世無雙。全場兒占了第一。

全元曲卷三

金陵盧 前纂

王伯成 王德信 賈甫 商道政 叔

王伯成

中呂 喜春來

別情

多情去後留香枕。好夢同時冷透衾。悶愁山重海來浮。獨自眠。夜雨百年心。

越調 鬬鵲鵲

失題

酒力禁持。詩魔喚起。紫燕喧喧。黃鶯嚦嚦。紅杏香中。綠楊影裏。麗日遲。節序催。柳線撚金。桃花泛水。

〔紫花兜序〕香馥馥。花開滿路。碧粼粼。水遠孤村。綠茸茸。芳草烟迷。揚鞭指處。堪書堪題。更那堪竹塢人家。傍小溪。絲繩高繫。春色飄零。花事狼籍。

「小桃紅」一簾紅雨落花飛。醞釀蜂兒蜜。跨蹇攜壺醒還醉。草萋萋。融融沙暖鶯鶯睡。韶光美景。和風暖日。惹起杜鵑啼。

「禿廝兒」凝眸處黃鶯子規。動情的綠暗紅稀。鶯鶯懶蝶蝶倦飛。冷落了芳菲。春歸。

「聖藥王」許似泥。僕從隨。見小橋流水隔花溪。柳岸西。近古堤。數枝紅杏出疎籬。牆外舞青旗。

「尾」四圍錦繡繁華地。車馬喧天鬧起。看了這紅紫翠鄉中。堪寫在丹青畫闥裏。

越調關鵲鵲

失題

玉笛愁悶。妝奩倦開。鬢驢烏雲。眉顰翠黛。慵嚙歌喉。羞翻舞態。悶填胸。淚滿腮。常記得錦字偷傳。香囊暗解。

「小桃紅」倚欄無語憶多才。往事今何在。玉體慙慙為誰害。瘦形骸。今春更比前春賽。雕欄玉砌。幾窗朱戶。深院鎖蒼苔。

「醉中天」總却香羅帶。慵整短金釵。無語無言問答孩。不慙倦衫袖兜窄。幾度將龜卦。兒買何日。

佳期再。

「大淨沙」也是咱運拙時乖。致令得霧鎖雲埋。側脚裏相知不該。胡喧亂講紙糊锹。怎捱得倒陽臺。

「尾聲」把一片偷香心。寔奈暗氣吞聲慢慢捱。怕甚風月悶愁鄉。煙波走非海。

般涉調哨遍

項羽自刎

虎視鯨吞相併滅。強秦已換炎劉姓。數年逐鹿走中原。勦圖基祚隆興。各馳騁。布衣學劍。隴畝興師。霸業特昌盛。今日志皆掃蕩。上合天統。下應民情。雖河岸外勇難施。廣武山前血猶腥。恨錯放高皇。懊失追韓信。悔不從范增。

「幺」竹走行迎。故然怒激剛強性。迤逗向垓心。預埋伏掩映山形。猛圍定。滿溪溝壑。列介冑寒光。盡晝夜攻摧劫掠。爪牙脫落。羽翼凋零。一個向五雲鄉里賀昇平。一個向八卦圖中競殘生。更那堪時月嚴凝。

〔麻婆子〕漢祖勝乘威勢。上蒼助顯號令。四野布層陰重。六花飛萬片輕。不添和氣報豐年。特呈凶兆害生靈。手拘束難施展。足滑擻豈暫停。

〔么〕自清曉徹終日。從黃昏挨五更。趁水澤身難到。奪雄路力不能。旋消雪潤枯腸凍。燒器械焰荒荆。馬無草人無飯。立不安坐不寧。

〔牆頭花〕軍收雪霽。起凜冽嚴風勁。汗濕征衣背似冰。戰欣欣火滅烟消。乾剝剝天寒地冷。

〔么〕征夫夢寐清。深夜疆場靜。四面悲歌忍淚聽。使不思敗國亡家。皆子想離鄉背井。

〔急曲子〕帳周回立故壁。陣東南破去程。眾兒郎已杳然。總安眠睡未驚。忽聞嘶困乏征驍。猛喚回淒涼夢境。

〔耍孩兒〕唯除個植楚懷忠政。錯認做奸人暗等。誤截一臂不任疼。猛魂飄已赴幽冥。碧澄澄萬里天如水。明朗朗十分滿營。馬首立虞姬氏。翠娥低斂。粉淚雙擎。

〔么〕絕疑的寶劍掉圓頸。不二色的剛腸痛忍。交暴露在郊墟。惜香肌難入山陵。望碧雲芳草封高塚。對黃土寒沙赴淺坑。傷情興。須臾天晚。彷彿平明。

「三煞」衡路九條。出街九層。區區壘整。奔荒徑。開基創業時。皆盡爭。帝國王勢已傾。軍逐□。因尋江路。誤入陰陵。

「二」甫能歸船路開。却懶將踏板登。喪八千子弟。無蹤影。羞歸西楚。親求救。恥向東吳。再起兵。辭了槍騎。伏霜鋒閃爍。從二足。奔騰。

「一」殺五侯。雖懼怯。奈隻身枉戰爭。自知此地絕天命。壯懷已喪。英雄氣。巨口全無。叱咤聲。尋思到。一場長嘆。百戰衰形。

「尾」解委領把項項推。舉太阿。將胸頸。稱子見紅飄飄光的的。絳纓先偏側了金魁頂。穆可。可濕浸。鮮血早淋漓了戰袍領。

般涉調哨道

贈長春宮雪庵學士

過隙駒難留時暫。百年幾度。聰明暗。塵事飽經諳。嘆狙公暮四朝三。祇自慚。遠投滄海。平步風波。空學驪龍領。謾贏得此身良苦。家私分外。活計。應憊。寢食王鎖緊牽連。行坐金枷。自披擔。世累相

禁陰行誰信業緣未減。

「么」因見無常。謾勞供養看經懺。雖有六親人。誰能替入棺函。勸省嗜。從今白甚。則管教人喫粉羹。餐酸餚。皮骨這回絕卻。三年乳哺。十月懷胎。長春有景。悶時遊。大道無極。靜中參。出樊籠。再不爭攪。

「耍孩兒」擇衣妻于情傷感。一任紅愁綠慘。頓然摘脫便遶騰。不居土洞石龕。四時風月。雙隣友。萬里乾坤。一草廬。鬚髮不分髻。馬用冠簪。

「么」污雲世態。將人賺。識破也。成何以堪。布袍獨駕九天風。玩無窮。綠水青嵐。東遊瀛海。思徐福。西渡流沙。慕老聃。拋持盡。雀巢燕壘。虎窟龍潭。

「二煞」從釋縛。自脫監。紙鷲無線。丹無纜。風寒暑濕。非吾患。味色聲香。莫我貪。休只待。船中滿載。水底俱淪。

「三煞」莫苦求。休強攬。莫教邂逅遭坑陷。恐哉笞杖徒流絞。慎矣公侯伯子男。爭誇衙。十鍾美祿。一品高街。

「四煞」衣錦裘乘駿驕。與朋共飲雖無憾。簞瓢自樂顏回巷。版築誰親傅說岩。君不見。花飛樹底。月轉天南。

「五煞」于欲番眼未眨。鏡中華髮霜勻糝。生來忙似塵中蟻。老去空如繭內蠶。明園甚。形骸傴僂。涕唾腌臢。

「六煞」飯已熟。睡正酣。儘他世味無如淡。詩囊經卷隨藜杖。蒼木黃菁滿藥籃。回頭笑。青錢拍板。烏帽藍衫。

「七煞」耳若聾。口似緘。有人來問佯裝慙。葫蘆提了全無悶。皮袋肥來最不慙。漁樵伴。山聲野調。閑論高談。

「八煞」不動心。已喪膽。丹田飽養難搖撼。身欺古柏衰中旺。味勝青瓜苔後甘。功成處。臉同蓮萼。頭類松杉。

「收尾」甲配了庚。離應了坎。是非不在天公鑑。那道輪迴近得俺。

新水令

悔悟

十年無夢到京師。卧書窗坦然如是。幾價沽酒債。填不滿買花資。近柳題詩。又感起少年事。

〔駐馬聽〕稿木服容姿。對風月羞斟鸚鵡卮。浮雲服神思。扭宮商強作鷓鴣詞。我吟到碧梧棲老鳳凰枝。他道是雕鎖籠定鴛鴦翅。急煎煎撚斷吟髭。則被竹葉雲娘。落殺白衣士。

〔沉醉東風〕講禮數虛心兒拜辭。說艱難滿口兒嗟咨。蛾眉淺黛顰。花壓啼紅漬。向尊前留下些相思。我本昇當年杜牧之。休認作蘇州刺史。

〔慶東原〕雨歇陽關至。暮草生南浦時。好山一路相隨侍。沉點點鶯花担兒。穩拍拍的花藤輪兒。嗟刺刺鹿頂車兒。楚過嶺山淫。趕上錢塘市。

〔離亭宴歇拍煞〕我不向風流選內求咨示。誰承望別離卷上題名字。關心為此。慢教蛭做問花媒。不勞鶯喚尋芳友。何須蝶作追香使。春踐小洞房。門掩閑拘絆。不是我愁紅怨紫。青樓贏的姓。絲雲逐簫聲止。錦鱗擬待音書至。明牽雙漸情。暗隱江淹志。

新水令

感懷

四時湖水鏡無瑕。不江山自然如畫。雄宴嘗聚豪華。人不奢華。山景本無價。

〔慶東原〕暖日宜乘轎。春風堪信馬。恰寒食二百處。鞦韆架。向人嬌杏花。撲人衣柳花。迎人笑桃花。來往畫船。招颺青旗掛。

〔早香詞〕納涼時波漲沙。滿湖香芰荷。葦葭。瑩玉盃青玉罍。恁般樓臺正宜夏。都輸他沉李浮瓜。〔掛打沽〕曲岸經霜落葉滑。誰道是秋消洒。最高西湖賣酒家。黃菊綻東籬下。自立冬將殘臘。雪片似江梅。血點般山茶。

〔山石榴〕錦綉錢塘富貴家。簪纓畫戟官宦衙。百歲能歡幾時價。可惜韶華過了他。

〔石竹子〕檣搖搖聲嗟呀。繁華一夢天來大。風物逐人化。虛名爭甚那。孤丹架。功名已在漁樵話。更飲三盃罷。

〔醉娘子〕真箇醉也麼沙。真箇醉也麼沙。笑指南峯卻道西樓。看箇醉也麼沙。〔一錠銀〕欲賦終焉力。不如囊篋更俱乏。自賽了兒婚女嫁。卻歸來林下。

〔駢馬還朝〕想像問神仙宮內館娃。俯仰間飛來峯勝巫峽。萬仙翁郭璞家幾點林櫻似丹砂。

〔胡十八〕雲外塔日邊霞。橋上客樹頭鴉。水亭山閣日西斜。哎老子醉麼宜浪荒。泛浮槎。

〔阿納忽〕山上栽桑麻。湖內尋生涯。枕頭上鼓吹鳴蛙。江上聽琵琶。

〔尾聲〕漁村偏喜多鵝鴨。些門一任絕車馬。竹引山泉鼎試雷芽。但得孤山尋梅。列苦阿草履。有林和靖是鄰家。喝口水西湖上快活煞。

王德信

中呂十二月堯民歌

別情

自別後遙山隱隱。更那堪遠水粼粼。見楊柳飛絲滾滾。對桃花醉臉醺醺。透內閣香風陣陣。掩重門暮雨紛紛。怕黃昏忽地又黃昏。不銷魂怎地不銷魂。新啼痕壓舊啼痕。斷腸人憶斷腸人。今春香肌瘦幾分。揠帶寬三寸。

中呂山坡羊

春睡

雲鬆螺髻。香溫鴛被。掩春閨一覺傷春睡。柳花飛。小瓊姬。一片聲雪下呈祥瑞。把團圓夢兒生喚起。誰不做美。吓却是你。

南呂四塊玉

題情

信物存。情詞在。看了他美貌端莊。錦綉文才。好教我病懨懨。愁冗冗。看看害。害的我頭懶抬。眼倦開。錦繁花無心戴。

〔南梧桐樹〕繁花滿目開。錦被空閑在。劣性冤家。誤得人忒毒害。前生少欠他。今世裏相思債。廢寢忘餐。倚定門兒待。房櫳靜悄如何捱。

〔北罵王郎〕冷清清。房櫳靜悄如何捱。獨自把圍屏倚。知他是甚情懷。相當初同行同坐同歡愛。到如今孤另另。怎剛剗。愁戚戚。酒倦醺。羞慘慘。花慵戴。

〔南東顧令〕花慵戴。酒慵醺。如今燕約鶯期不見來。多應在那里那里貪歡愛。物在人何在。空勞

魂夢到陽臺。只落得淚盈腮。

〔北感皇恩〕呀！只落得兩淚盈腮。多應是命裏合該。莫不是你緣薄。咱命蹇。都一般運時乖。怎禁那攪閑人是非。施巧計栽排。撕擗碎合歡帶。硬分開鸞鳳釵。水滄瑣楚陽臺。

〔南鍼線箱〕把一床絃索塵埋。兩眉拳不展開。香肌瘦損愁無奈。懶刺綉傍妝臺。舊恨新愁教我如何捱。只怕蝶使蜂媒不再來。臨鸞鏡也問道朱顏未改。他早先改。

〔北採花歌〕改朱顏瘦了形骸。冷清清怎生捱。我只怕梁山伯不戀你個祝英台。他若是背義忘恩尋罪責。我將這盟山誓海說的明白。

〔南解三醒〕頓忘了誓山盟海。頓忘了音書不寄來。頓忘了枕邊許多恩和愛。頓忘了素體相挨。頓忘了神前設下千千拜。頓忘了表記香囊紅綉鞋。說將起來傍人見了珠淚盈腮。

〔北烏夜啼〕俺如今相離了三月。恰便似隔了數載。要相逢甚日何年再。則我這瘦伶仃形體如柴。甚時節還徹了相思債。又不見青鳥書來。黃犬音乖。每日家病恹恹懶去傍妝臺。得團圓便把神羊賽。意廝投。心相愛。早成就了鸞交鳳友。省的着蝶笑蜂猜。

「南尾聲」把局兜牢鋪擺。情人終久再歸來。美滿夫妻百歲諧。

商道

越調天淨沙

失題 四首

寒梅清秀誰知。霜衾翠羽同期。瀟灑寒塘月迹。暗香幽意。一枝雪裏偏宜。
剡溪媚壓羣芳。王容偏稱宮妝。暗惹詩人斷腸。月明江上。一枝弄影飄香。
野橋當日誰栽。前村昨夜先開。雪散珍珠亂篩。多情嬌態。一枝風送香來。
雪飛柳絮梨花。梅開玉蕊瓊葩。雲淡簾篩月華。玲瓏堪畫。一枝瘦影窗紗。

正宮月照庭

問花

萬木爭榮。各逞嬌紅嫩紫。生濃淡。闔妍蚩。為誰開。為誰落。何苦孜孜。吾來問。汝有私。
「么」雲幕高張。捧出天然豔質。顏如玉。體凝脂。綠羅裳。紅錦幃。貌勝西施。蒙君問。盡妾詞。

〔最高樓〕發生各自隨時。豔冶非人所使。鉛華滿樹添妝次。遠勝梨園弟子。

〔喜春來〕清香引客眠花市。艷色迷人殢酒危。東風舞困瘦腰肢。猶未止。零落暮春時。

〔六么遍〕艷花言。巧才思。直待伴落絮遊絲。披離滿徑點胭脂。千忙煞燕子鶯兒。芳苞折盡誰掛齒。道杏花不看開時。早尋人做王遮護你。煞強如花貌參差。憑誰賦。斷腸詩。

〔幺〕妾斟量。自三思。正芳年不甚心慈。仗聰明國色兩件兒。覷五陵英俊。因而漸消香減玉剝幾咨。但溫存誰敢推辭。想遊蜂戲蝶有正事。向眼前面配了雄雌。閃下我害相思。

〔尾〕先生教妾感承。妾身言君試思。如今羅紙錦故人何似。闌珊了春事。惜花人誰肯折殘枝。

南呂一枝花

遠寄

粘花惹草心。招攬風流事。都不似今日個這嬌姿。伶變知音。雅有林泉志。合歡連理枝。兩意相投。美滿夫妻相似。

〔梁州第七〕甘不過輕狂子弟。難禁受極村勤兒。撞聲打怕無淹潤。倚強壓弱。滴溜着官司。鼻盆

打顫走踢飛拳。查核相驚般街布。侍勉強過從枉費神思。是他慣追陪濟楚高人。見不得村沙謊。腐欵不定冷笑孜孜。可人舉止。為他十分吃盡不肯隨時變。除此外沒瑕疵。聚少難多倍有之。古今如此。

〔賺煞〕好因緣。眼見得無終始。一載恩情似彈指。別離怨並次感恨無言。謾搔耳後會何時。唱道痛淚淋漓。花牋悶寫相思字。托魚雁寄傳示。我志誠心一點無辭。無辭彈去伊身上死。

南呂一枝花

嘆秀英

釵橫金鳳髻。鬢亂香雲髻。早是身是名染沉疴。自想前緣。結下何因果。今生遭折磨。流落在娼門。一旦把身軀點污。

〔梁州第七〕生把俺央及做頂老。為妓路划地波波。忍恥包羞排場上坐。念詩執板。打和開呵。隨窩逐下。送故迎新。身心受盡摧挫。奈惡業姻緣好。寒風俏與些個。村樸丁。走踢飛拳。老妖精縛手纏脚。揀掙勤到下獄鑊。甚娘過活。每朝分外說不盡無廉恥。顛狂相愛左。應有的私房貼了漢子。

恣意淫詬。

「賺煞」擒脅撮口猶閑可。歐血臬頭甚罪過。聖長里廝捺抹。倒把人看舌頭廝繳絡。氣殺人呵。唱道曉夜評跋。待嫁人時要才定國圖謀。驚心碎。說膽破。只為你沒情腸。五奴虔婆。毒害相扶持得。瘦病了我。

南呂梁州第七

戲三英

暖律回春過臘。融和布滿天涯。禁城元夜生和氣。沉金吾不禁。良宵歡洽。九衢三市。萬戶千門。重
重綉簾高掛。列銀燭熒煌。家家闔閭誇奢華。王簾燈細撚瓊絳。金蓮燈勻排豔葩。梔子燈碎剪紅紗。
壁燈兒巧畫。過街燈照映。沙燈戲燈機關妙。滾燈轉觀燈耍。月燈高懸水燈戲。將天地酬答。
「么」絲結螯山對燈。蕭韶鼓吹喧嘩。仕女王孫知多少。寶鞍錦轎。水往交叉。酒豪詩俊。謝館秦樓。
會傳杯笑飲流霞。見游女行歌盡落梅花。向杜郎家酒館里開樽。王廚家食店里飯罷。張胡家茗
肆里分茶。王人嬌婉。愛重英便利。絳英天然。俊共聯臂同把。偶過平康賞名媛。越女吳娃。

「賺煞」綺羅珠翠金釵插。蘭麝風生異香撒。絃管相煎聲呖啞。民物熙熙誰道太平無象。聽歌舞見風化。酩酊歸來。控王驄不記得還家。喝道玉漏沉沉樓頭彷彿三更打。燈影畔月明下。醉醺醺婉英扶下馬。

雙調新水令

失題

彩雲聲斷紫鸞簫。夜深沉綉帷中冷落。愁轉增。不相饒。粉悴烟憔。雲鬢亂倦梳掠。「喬牌兜」自從它去了。無一日不惦道。眼皮兜不住了梭梭跳。料應他作念着。

「雁兒落」愁聞砧杵敲。倦聽賓鴻叫。懶將烟粉施。羞對菱花照。

「掛玉鉤」這些時針線慵拈懶綉作。愁悶的人顛倒。想着燕爾新婚那一宵。怎下得把奴拋調。意似癡肌如削。只望他步步相隨。誰承望折散。了覺交。

「亂柳葉」爲他爲他曾把香燒。怎下的將咱將咱拋調。慘可可曾對神明道。也不索和他和他叫。緊交誓約。天開眼自然招報。

〔太平令〕罵你個短命薄情材料。小可的無福怎生難消。相着咱月下星期約。受了些無打罵淒涼煩惱。我呵你想着。記着。夢着。又被這雨打紗窗驚覺。

〔豆葉黃〕不覺的地北天南。抵多少水遠山遙。一個粉臉兒。它身上何曾忘却。鍾送黃昏難報曉。昏曉相催。斷送了愁人。多多少少。

〔七弟兄〕懊惱。這宵。受煎熬。被淒涼。一弄中相聒噪。畫簷間鐵馬兒啼風敲。紗窗外促織兒頻頻叫。

〔梅花酒〕孤幃兒靜悄悄。燭滅烟消。枕剩衾薄。揜簌簌淚點拋。急煎煎眼難交。睡不着。更那堪雨蕭蕭。

〔收江南〕浙零零和淚上芭蕉。孤眠獨枕最難熬。絳綃裙寬褪了。小蠻腰。急煎煎瘦了。多因是相思滿腹對誰學。

〔尾〕急煎煎每夜傷懷抱。揜簌簌淚點腮邊落。唱道是廢寢忘食。玉減香消。小院深沉。孤幃里靜悄。瘦影兒緊相隨。一盞孤燈照。好教我急煎煎心癢難揉。則教我幾聲長吁到的曉。

雙調夜行船

失題

風里楊花小上萍。蹤迹自無定。席上溫存。枕邊僥倖。嫁字兒把人來領。

〔幺〕花底潛潛月下等。幾度柳影花陰。錦機情詞。石鵲心事。半句兒幾時曾應。

〔風入松〕卻是些鈔兒根底假恩情。那裏有箇買的真誠。鬼胡由眼下噉光陰。終不是久遠前程。自從少個蘇卿。閑煞豫章城。

〔阿那忽〕合下手合平。先畱心先藏。休只待學那人薄倖。枉和他急竟。

〔尾聲〕俏家風兒那與小後生。識破這酒愁花病。再不留情。分開寶鏡。既曾纏。只被江粉香中賺得醒。

雙調風入松

失題

嫩橙初破酒微溫。銀燭照黃昏。玉人座上嬌如許。低低唱白雪陽春。誰管狂風過處。那知瑞雪屯。

門。

〔喬牌兒〕畫堂更漏冷。金爐串烟盡。廝偎廝抱心兒順。百年姻兩意肯。

〔新水令〕晚雞三唱鳳離羣。空回首楚臺雲褪。枕上歡霎兒恩。漏水更長。怎支持許多悶。

〔攞箏琶〕縈方寸。兩葉翠眉顰。萬想千思。行眠立曉。半世買風流。費盡精神。呆心兒掩然容易親。喫不過溫存。

〔離亭宴煞〕客窗夜永愁成陣。冷清清有誰存問。漢宮中金閨夢斷。秦臺上玉簫聲盡。昨夜歡今宵恨。都只為風風韻韻。相見話偏多。孤眠睡不穩。

全元曲卷四

金陵盧 前纂

杜仁傑善夫 王 鼎和卿 孟志學西村

杜仁傑

雙調雁兒落帶得勝令

美色

他生得柳似眉蓮似腮。櫻桃口芙蓉額。不將朱粉施。自有天然態。半折慢弓鞋。一搦俏影骸。粉腕黃金釧。烏雲白玉釵。歡諧笑解香羅帶。疑猜。莫是陽臺夢裏來。

般涉調耍孩兒

莊家不識句閑

風調雨順民安樂。都不似俺莊家快活。桑蠶五穀十分收。官司盡其差科。當村許下還心願。來到城中買些紙火。正打街頭過。見吊箇花綠綠紙榜。不似那答中開攘攘人多。

〔六煞〕見一箇人半撐着椽做的門。高聲的叫請請。道遲來的滿了無處停坐。說道前截兒院本

調風月。背後么末殺演劉耍和高聲叫。趕散易得。難得的妝哈。

〔五〕耍了二百錢放過。咱入得門來。上箇木坡。見層層疊疊團圓坐。抬頭覷是似鐘樓模樣。往下覷却是人旋窩。見幾個婦女面臺兒上坐。又不是迎神賽社。不住的擂鼓篩鐺。

〔四〕一個女孩兒轉了幾遭。不多時引出一火。中間里一個央人貨。裹着枚兒頭巾。頂門上插一管筆。滿臉石灰。更看些黑道兒抹。知它〔〕是如何過。渾身上下。則穿領花布直裰。

〔三〕念了會詩共詞。說了會賦與歌。無差錯。唇大口地無高下。巧語花言記許多。臨絕末。道了低頭撮腳。鑾罷將么撥。

〔二〕一個妝做張太公。他改做小二哥。行行行說向城中過。見個年少的婦女向簾兒下立。那老子用意鋪謀待取做老婆。教小二哥相說合。但要的豆穀米麥。問甚布絹紗羅。

〔一〕教太公往前那不敢往後那。擡左脚不敢擡右脚。翻來復去由它一個。太公心下實焦躁。把一箇皮棒槌則一下打做兩半個。我則道與詞告狀。剗地大笑呵呵。

〔尾〕則被一胞尿爆的我沒奈何。剛捱剛忍。更待看些兒個。枉被這驢頭笑殺我。

喻情

我當初不合見孽口和你言盟誓。惹得你鬼病厭厭挂體。鬼相撲不曾使其養家錢。鬼廝赴刃蹬的心灰。若是搗得歌妓家中去。便是袖得春風馬上歸。同獄司蹬弩勞神力。望梅止渴。畫餅充饑。『哨遍』鐵球兒滾在江心內。實指望團圓到底。矢羣孤雁往南飛。比目魚水不分離。王屠倒臘牽腸肚。毛寶心毒不放龜。老母狗跳牆做得個挾勢。把我做撲燈蛾相戲。掉水燕雙飛。

『五煞』臘月里桑採甚的。肚臍里爆豆實心兒。退木貓兒守窟。照他甚泥。狗兒看家守甚黑。天長觀裏看水庵相識。濟元廟裏口願。把我拋持。

『四』唐三藏立墓銘。空費了碑。閑槽枋裏趁酒無已。壁。惡大院里下象無錢遞。左右司蒸糕省做媒。夢中注裏太廟乾不濟。鄭元和在曲江邊擔土。閑話中把咱支持。

『三』泥捏的山。不信是石。相撲漢賣藥干陪了播。鏡臺前照而你是你。警巡院倒了牆賊見賊。大蟲窩裏蒿草無人刈。看山瞎漢。不辨高低。

『二』小蠻婆看染紅。担是非。張果老切鱸先施鯉。布博士踏鬼隨機而變。囊大姐傳神反了面皮。

沙三燒肉牛心兒炙。沒染的水桶。挂口休提。

「一」秦始皇鞋。無道債。綿帶子拴腿。無繩繫。開花仙藏。掘過瞞得你。街道司衙門。諱得過誰。尉遲恭搗米胡支對。蜂窩兒呵欠。口是虛脾。

「尾」楮樹下梯。要摘梨。藏瓶中灰骨。是個不自由的鬼。谷地里瓜兒。單單的記着你。

商調集賢賓

七夕

暑纔消大火。卽漸西。斗柄往坎宮移。一葉梧桐飄墜。萬方秋意皆知。暮雲閑。聒聒蟬鳴。晚風輕點點。登飛。天堦夜涼。清似水。鵲橋圓。高掛偏宜。金盆內種五生。瓊樓上設筵席。

「南集賢賓」今宵兩星相會期。正乞巧投機。沉香浮瓜看饌。把幾箇塵珂囉兒擺起。拜禮端的。是塑得來可嬌。

「北鳳鸞吟」月色輝。夜將闌。銀漢低。門穿針。逗豔質。喜蛛兒奇。一絲絲往下垂。結羅成巧樣。酒酌的醪蟻。香焚着麝臍。引杯觴。大家沉醉。櫻桃妬水底紅。葱指剖冰瓜脆。更勝似愛月夜眠遲。

〔南門雙雞〕金釵墜。金釵墜。玳瑁整齊。蟠桃宴。衆仙聚會。彩衣。彩衣。輕紗織。禁步。搖綉帶垂。但願得同歡宴團圓到底。

〔北節節高〕玉葱纖細。粉腮嬌膩。爭雲鬪巧。笑聲舉歡天喜地。我則見管絃齊動。商音夷則。遠天外斗漸移。喜陰晴今宵七夕。

〔南耍鮑老〕團團笑。令心盡喜。食品愈稀奇。新摘的葡萄。紫旋剝的雞頭美。珍珠般嫩。宵歡坐。閒夜涼人靜已。笑聲接青宵內。風淅淅雨霏霏。露濕了弓鞋底。紗籠罩仕女隨。燈影兒下人扶起。尚留戀懶心回。

〔北四門子〕畫堂深。寂寂重門閉。照金荷紅蠟輝。斗柄又橫。月色又西。醉鄉中不知更漏遲。士庶每安烽燧又息。願吾皇萬歲。

〔餘音〕人生願得同歡會。把四季良辰須記。乞巧年年度七夕。

王鼎

仙呂醉中天

別情

瘦了重加瘦。愁上更添愁。沈瘦潘愁何日休。削減風流舊。一自巫娥去後。雲十楚岫。玉簫聲斷南樓。

十蝴蝶

掙破莊周夢。兩翅架東風。三百座名園一採一個空。難道風流種。說教尋芳的蜜蜂。輕輕的飛動。把香花人肩邊繞束。

俊妓

裙繫鴛鴦錦。釵插鳳凰金。俏的是龐兒俊的是心。更待包彈甚。搗土也似嫌夫鬪侵。交他一任。知音的則是知音。

仙呂醉扶歸

失題

我啼搵着皂油鬆髻。他背靠着我胸皮。早難道香腮左右偎。只索項窩裏長吁氣。一夜何曾見他。

面皮只是看一箇牙梳背。

仙呂一半兒

題情

鴉翎般水髮似刀裁。小顰顰芙蓉花額兒窄。待不梳妝怕娘左猜。不免插金釵。一半如翾鬆一半兒歪。

書來和淚怕開紙。又不歸來空再三。這樣病兒誰慣耽。越恁瘦巖巖。一樣兒增添一樣兒減。將來書信手拈着。燈下恁恁細觀了。兩三行字真帶草。提起來越心焦。一半兒絲擣一半兒燒。別來寬褪縷金衣。粉悴煙憔減玉肌。泪點兒只除衫袖知。盼佳期。一半兒才乾一半兒溼。

中呂喜春來

春思

柳梢淡淡鵝黃染。波面澄澄鴨綠添。及時膏雨細廉纖。門半掩。春睡殢人甜。

題情

情粘骨髓難揩洗。病在膏肓怎療治。相思何日會佳期。我共你相見一般醫。

雙調撥不斷

大魚

勝神餐。捲風濤。脊梁上輕負着蓬萊島。萬里夕陽錦背高。番身猶恨東洋小。太公怎釣。

綠毛龜

綠毛桐。遠池遊。口中氣吐香煙透。賣卦的先生把你脊背彫。十長生裏伴定個仙鶴走。曰大夫的行頭。

長毛小狗

醜如奴。小如豬。山海經檢遍了無尋處。遍體渾身都是毛。我道你有似個成精物。咬人的苔帚。

自嘆

恰春朝又秋宵。春花秋月何時了。花到三春顏色消。月過十五光明少。月殘花落。

王大姐浴房內吃打

假胡伶。騁聰明。你本待洗腌臢。到惹得不乾淨。精尻上句排七道青。扇圍大膏藥。剛糊定。早難道。外宣無病。

胖夫妻

一個胖雙郎。就了個胖蘇娘。兩口兒便似熊模樣。成就了風流喘豫章。繡幃中一對兒鴛鴦象。交肚皮廝撞。

越調小桃紅

胖妓

夜深交頸效鴛鴦。錦被翻紅浪。雨歇雲收那情況。最難當。一翻翻在人身上。偌大偌大。偌粗偌胖。壓扁沈東陽。

春寒

春風打峭透香閨。柳眼開還閉。南陌萋針不令翠。恨芳菲。上林花瘦鶯聲未。雲兜香冷。烏衣何處。寒勒海棠遲。

越調天淨沙

詠禿

笠兒深掩過雙肩。頭巾牢抹到眉邊。款款的把笠簷兒試掀。連荒道一句。君子人不見頭面。

商調百字知秋令

失題

絳臘殘。半明不滅寒灰。看時看。落沉烟爐。細里末里微分間。卽里漸里消。碧紗窗外風弄雨。浙留昔零打芭蕉。惱碎芳心。近砌下啾啾唧唧寒蛩鬧。驚回幽夢。丁丁當當簷間鐵馬敲。半敲單枕。乞溜乞良捱徹今宵。只被這一弄兒淒涼。斷送的愁人登時間病了。

大石調落山溪

閨情

冬天易晚。又早黃昏後。脩竹小閣千。空倚遍寒生翠袖。瀟瀟寶馬。何處狂遊。
「么」人已靜。夜將闌。不信今宵又。大抵爲人圖甚麼。彼各青春年幼。似恁的廝禁持。兀的不白了。

人頭。

「女冠子」過一宵勝九秋。且將針線把一肩鞋兒綉。暮聽的馬嘶人語。甫能來到。却又早十分殢酒。

「好觀音」狂了教人深閨裏候。疎狂性奄然依舊。不成器喬公事。做的泄漏。衣紐不曾扣。待伊酒醒明白究。

「鴈過南樓煞」問着時只辯着擺手。罵着時情不開口。放伊不過耳朵兒。扭你道不曾共外人歡偶。把你愛惜前程。遙指定梅梢月兒咒。

蓋志學

雙調折桂令

失題

陶淵明自不合時。採菊東籬。為賦新詩。獨對南山。泛秋香有酒盈卮。一個小顚顚彭澤縣兒。五斗米懶折腰肢。樂以琴詩。暢會尋思。萬古流傳。賦歸去來辭。

雙調快活年

失題

閒來乘興訪漁樵。尋林泉故交。開懷暢飲兩三瓢。只願身安樂。笑了重還笑。沉醉倒。

越調小桃紅

臨川八景

暮雲樓閣畫橋東。漸覺花心動。蘭麝香中看鵝鳳。笑融融。半醒不醉相陪奉。佳賓興濃。王人情重。合和小桃紅。(東城春早)

玉簪金菊露華秋。釀出西園秀。煙柳新來為誰瘦。暢風流。醉歸不計黃昏後。小槽細酒。錦堂晴晝。拚卻醉扶頭。(西園秋暮)

萬家燈火鬧春橋。十里光相照。舞鳳翔鸞勢絕妙。可憐宵。波間湧出蓬萊島。香煙亂飄。笙歌喧鬧。飛上玉樓腰。(紅岸水燈)

落花飛絮舞晴沙。不似都門下。暮折朝攀夢中怕。最堪誇。牧童漁叟偏宜夏。清風睡煞。淡煙宜畫。

掩映兩三家（全堤風柳）

綠雲冉冉鎖秋灣。香徹東西岸。官課今年九分辦。廡追攀。渡頭買的新魚雁。杯盤不乾。歡欣無限。忘了大家難。（客舫晚期）

戍樓殘照斷霞紅。只有青山送。梨葉新來帶霜重。望歸鴻。歸鴻也被西風弄。閒愁萬種。舊遊雲夢。回首月明中。（戍樓晚霞）

玉龍高卧一天秋。寶鏡清光透。星斗闌干雨晴後。綠悠悠。軟風吹動玻璃縷。煙波順流。乾坤如畫。半夜有行舟。（市橋月色）

忽聞疏雨打新荷。有夢都驚破。頭上閒雲片時過。泛清波。蘭舟飽載風流貨。諸般小可。尋聲高和。唱徹採蓮歌。（蓮塘雨聲）

雜詠

市朝名利少相聞。成敗經來慣。莫道無人識真贋。這其間。急流勇退誰能辦。一雙俊眼。一條好漢。不見富春山。

古今榮辱轉頭空。都是相般弄。我道虛名不中用。勸英雄。眼前禍患休多種。奈宮漢塚。烏江雲夢。依舊起秋風。

杏花開候不曾晴。敗盡遊人興。紅雪飛來滿芳徑。問春鶯。春鶯無語風方定。小蠻有情。夜涼人靜。唱徹醉翁亭。

海棠開過到薔薇。春色無多味。爭奈新來越憔悴。教它誰。小環也似知人意。疎簾捲起。重門不閉。欲看燕雙飛。

淡煙微雨鎖橫塘。且看無風浪。一葉輕舟任飄蕩。菱荷香。漁歌雖美休高唱。些兒晚涼。金沙灘上。多有睡鴛鴦。

綠楊堤畔蓼花洲。可愛溪山秀。烟水茫茫晚涼後。捕魚舟。衝開萬頃玻璃縹。亂雲不收。晚霞妝就。一片洞庭秋。

晚來羣雀噪茅簷。逐漸雲收斂。但覺新涼入簾簾。吾幽潛。佳人學得皆勤儉。閒情幽怨。新愁舊恨。不許上眉尖。

淡黃楊柳月中疎。今古橫塘路。為問蕭郎在何處。近來書。一帆又下瀟湘去。試問別後。軟銷紅淚。多似露荷珠。

正宮脫布衫

春讌

柳花風微蕩香埃。梨花雪亂點蒼苔。錦繡雲紅窗縹渺。麝蘭煙翠簾發聾。

〔小梁州〕珠箔銀屏次第開。十二瑤階。薔薇洞側牡丹臺。伸仙界。何必到天台。

〔幺篇〕金籠鸚鵡舌頭快。向人前說的明白。翠檻邊。雕欄外。金溝一派。只許燕鶯來。

〔醉太平〕梁園賦客。金谷英才。吳歌楚舞玳筵排。有猩脣豹胎。珊瑚樹拂珍珠蓋。鴛鴦衫束麒麟。蓋芙蓉鬢。鳳凰釵。十金難買。〔下闕〕

全元曲卷五

金陵盧 前纂

虞集 楊果 西廬 姚燧

虞集

雙調折桂令

席上偶談蜀漢書賦短柱體

鶯與三顧茅廬。漢祚難扶。日暮桑榆。深渡南瀘。長驅西蜀。力拒東吳。美乎周瑜妙術。悲夫關羽云。殂。天數盈虛。造物乘除。問汝何如。早賦歸歎。

楊果

越調小桃紅

採蓮女十一首

採蓮湖上採蓮嬌。新月凌波小。記得相逢對花酌。那妖嬈。帶人一笑千金少。羞花閉月。沉魚落雁。不恁也魂銷。

採蓮人唱採蓮詞。洛浦神仙似。若比蓮花更強似。那些兒。多情解怕風流事。淡妝濃抹。輕顰微笑。端的勝西施。

採蓮湖上採蓮人。悶倚蘭舟問。此去長安路相近。恨劉晨。自從別後無音信。人間好處。詩等酒令。不管翠眉顰。

碧湖湖上採芙蓉。人影隨波動。涼露沾衣翠綃重。月明中。畫船不載凌波夢。都來一段。紅幢翠蓋。香盡滿城風。

滿城煙水月微茫。人倚蘭舟唱。常記相逢若耶上。隔三湘。碧雲望斷空惆悵。美人笑道。蓮花相似。情短藕絲長。

採蓮人和採蓮歌。柳外闌舟過。不管鴛鴦夢驚破。夜如何。有人獨上江樓卧。傷心莫唱。南朝舊曲。司馬淚痕多。

碧湖湖上柳陰陰。人影澄波浸。常記年時對花飲。到如今。西風吹斷又回錦。羨他一對。鴛鴦飛去。殘夢夢花深。

玉簫聲斷鳳凰樓。憔悴人別後。留得啼痕滿羅袖。去來休。樓前風景渾依舊。當初只恨無情煙柳。不解繫行舟。

黃花菱葉滿秋塘。水調誰家唱。簾捲南樓日初上。採秋香。畫船穩去無風浪。為郎偏愛蓮花顏色。留作鏡中妝。

錦城何處是西湖。楊柳樓前路。一曲蓮歌碧雲暮。可憐渠。畫船不載離愁去。幾番曾過鴛鴦汀下。笑煞月兒孤。

採蓮湖上棹船迴。風約湘裙翠。一曲琵琶數行淚。望君歸。芙蓉開盡無消息。晚涼多少紅蓼白鷺。何處不雙飛。

仙呂賞花時

失題

秋水粼粼古岸蒼。蕭索疎籬偎短岡。山色日微茫。黃花嫩也。粧點馬蹄香。

〔勝葫蘆〕見一簇人家入屏障。竹籬打補苔牆。破設設柴門上。張着破網。幾間茅屋。一竿風旆。搖

曳掛長江。

「賺尾」晚風林蕭蕭響。一弄兒淒涼旅況。見壁指一似桑榆侵道旁。草橋崩柱摧梁。唱道向紅蓼
蘼頭。見個黑足呂的漁翁。鬢似霜。靠着那駝腰拗樁。瘦紫垂脰項。一鉤香餌釣斜陽。

仙呂賞花時

失題

水到瀉頭燕尾分。橋掂河梁龍背穩。流水遠孤村。殘霞隱隱。天際褪殘雲。
「幺」客況淒淒又一春。計載區區已四旬。猶自在紅塵。愁眉鎖鎖。白髮又添新。
「煞尾」腹中愁。心間悶。九曲柔腸悶損。白日傷神猶自輕。到晚來更關情。唱道只聽得王漏聲頻。
搭伏定。較綃枕頭兒晚。客窗夜永。有誰人存問。二三更睡不得被兒溫。

仙呂賞花時

失題

花點蒼苔繡不勻。鶯喚垂楊語未真。簾幕絮紛紛。日長人困。風暖獸烟噴。

「么」一自檀郎共錦衾。再不曾暗擲金錢卜遠人。香臉笑生春。舊時衣褪。寬放出二三分。
「賺煞尾」調養就舊精神。妝點出嬌風韻。將息劃損苔牆玉筍。拂掉了香冷妝奩寶鑑塵。舒開繫
東風兩葉眉顰。晚妝新。高綰起烏雲。再不管暖日朱簾鵲噪頻。從今後鴉鳴不喚。燈花誰信。一任
教子規聲啼破海棠魂。

仙呂賞花時

失題

麗日春風三月天。準備西園賞禁烟。院宇正秋千。挑花噴火。楊柳綠如烟。
「么」倚定門兒話笑喧。來往星眸廝顧戀。彼各正當年。花陰柳影。月底共星前。
「尾」口兒咍。心兒怨。時急難尋輕使天。也似閑愁無處展。蘸霜寒。寫滿雲箋。唱道各辦心堅。休教
萬里關山靠夢傳。不是雙生自專。小卿緊勸。只休教花殘鶯老了麗春園。

仙呂翠裙腰

失題

鶯穿細柳。翻金翅。遶上最高枝。海棠零亂。飄階址。墮胭脂。共誰同嚼。送春詞。
「全蠶兒」減容姿。瘦腰肢。繡牀塵滿。慵針指。眉懶畫。粉羞施。憔悴死。無盡閑愁。將甚比。恰如梅子。雨絲絲。

「綠窗愁」有客持書至。還喜却嗟咨。未數歸期。約幾時。先拆破鴛鴦字。原來只是賣弄他風流浪子。誇翰墨。顯文詞。枉用了身心。空費了紙。

「賺尾」總虛脾。無實事。喬問候的言辭。怎使復別了花箋。重作念偏自家少負你相思。唱道再展放重讀。讀罷也無言。暗切齒。沉吟了數次。罵你個負心賊。堪恨。把一封寄來書。都扯做紙條兒。

姚燧

中呂晉天樂

失題

浙江秋吳山夜。愁隨潮去。恨與山疊。塞雁來。芙蓉謝。冷雨青燈讀書舍。待離別。怎忍離別。今宵醉也。明朝去也。寧耐些些。

中呂醉高歌

感懷

十年燕市歌聲。幾點吳霜鬢影。西風吹起鱸魚興。晚節桑榆暮景。
榮枯枕上三更。傀儡場中四并。人生幻化如泡影。幾個臨危自省。
岸邊烟柳蒼蒼。江上寒波漾漾。陽關舊曲低低唱。只恐行人斷腸。
十年書劍長吁。一曲琵琶暗許。月明江上別湓浦。愁聽蘭舟夜雨。

中呂喜春來

失題

墨磨北海烏龍角。筆蘸南山紫兔毫。花箋鋪屏硯臺高。詩氣豪。憑換紫羅袍。
石榴子露顏回齒。菡萏花含美女姿。不知張敞畫眉時。甚意思。墨點了那些兒。
全魚玉帶羅袍就。皂盞朱幡賽五侯。山河判斷筆尖頭。得志秋分破帝王冕。
筆頭風月時時過。眼底兒曹漸漸多。有人問我事如何。人海闊。無日不風波。

中呂滿庭芳

失題

天風海濤。昔人曾比。酒聖詩豪。我到此間閑眺。日遠天高。山接水茫茫渺渺。水連天隱隱迢迢。洪吟嘯。功名事了。不待老僧招。

帆收釣浦。烟籠淺沙。水滿平湖。晚來盡灘頭聚。笑語相呼。魚有剩。和烟旋煮。酒無多。帶月影沽。盤中物。山肴野蔌。且盡葫蘆。

雙調撥不斷

四時景

草萋萋。日遲遲。王孫士女春遊戲。宮殿風微。燕雀飛。池塘沙暖。鴛鴦睡。正值着養花天氣。芰荷香。露花涼。若耶溪上蓮舟放。岸上誰家白面郎。舟中越女紅裙唱。逞嬌羞模樣。楚天秋。好追遊。龍山風物全依舊。破帽多情卻戀頭。白衣有意能攜酒。好風流重九。雪漫漫。擁藍關。長安遠客心偏憚。淪玉甌。中雪冰寒。銷金帳裏羊羔鏝。這兩般任揀。

雙調落梅風

李曰

貴妃親擎硯。力七與脫靴。御調羹就餐不謝。醉襟糊將蠻書便寫。寫着甚楊柳岸曉風殘月。

失題

酒可紅雙頰。愁能白般毛。對樽前儘可開懷抱。天若有情天亦老。且休教少年知道。紅顏褪。綠髮凋。酒席上漸疏了歡笑。風流近來都忘了。誰信道也曾年少。裏王夢。神女情。多二兒釀成愁病。琵琶慢調絃上聲。相思字越彈着不應。

雙調折桂令

失題

博山銅細碾香風。雨行紗籠。燭影搖紅。翠袖殷勤捧金鍾。半露春蔥。暢好是會受用。文章巨公。綺羅叢。醉眼朦朧。夜宴將終。十二簾櫳。月轉梧桐。

越調凭闌人

寄征衣

欲寄君衣君不還。不寄君衣君又寒。寄與不寄間。妾身千萬難。

失題七首

博帶峨冠年少郎。高髻雲鬟窈窕娘。我又章你豔妝。你一斤咱十六兩。
馬上牆頭瞥見他。眼角眉尖他逗咱。論又章他愛咱。咱又嬌咱愛他。
織就回文停王梭。獨守銀燈思念他。夢兒裏休啊。覺來時愁越多。
宮髻高盤鋪綠雲。仙袂輕飄蘸麝粉。香羅帕新。未曾淹淚痕。
羞對鸞臺梳綠雲。兩葉春山眉黛顰。強將脂粉勻。幾回填淚痕。
寄與多情王子高。今夜佳期休誤了。等夫人熟睡着。悄聲兒窗外敲。
兩處相思無計留。君上孤丹妾倚樓。這些蘭葉丹。怎裝如許愁。

雙調新水令

冬怨

梅花一夜漏春工。隔紗窗暗香時送。篆消全睡鴨。簾捲繡蟠龍。去鳳聲中。又題聲半衾夢。

〔駐馬聽〕心事匆匆。斜倚雲屏愁萬種。襟懷冗冗。半欹鴛枕恨千重。金釵剪燭燒猶紅。膽瓶盛水寒編凍。離思擁。掩流蘇帳暖和誰共。

〔喬牌兒〕悶懷雙淚湧。恨鎖雙眉縱。自從執手河梁送。離愁天地永。

〔雁兒落〕琴閑吳響桐。簫歇秦臺鳳。歌停天上謠。曲罷江東弄。

〔得勝令〕呀書信寄封封。烟水隔重重。夜色已陵下。秋風渭水東。相逢。枕上歡娛夢。飄蓬。天涯悵望中。

〔沽美酒〕龍濟傾白玉。鍾羊羔泛紫金觥。獸炭添煤火正紅。業身軀自擁。聽門外雪花風。

〔太平令〕悔當日東牆窺宋。有心教夫婿乘龍。見如今天寒地凍。知他共何人陪奉。意這廝指空話空。一步步脫空。巧舌頭將人搬弄。

〔水仙子〕朔風掀倒楚王宮。凍雨埋藏神女峯。雪電打碎桃源洞。冷丁丁總是空。簌湘簾翠靄重。重。寫幽恨頭殘春扇。敲鬱悶聽絕暮鐘。收歸期曲損春蔥。

「折桂令」數歸期曲損春葱。魚深潛鴨頭綠寒波。雁唳殘羊角轉旋風。碎寒全照腕徒黃。收香鳥藏烟近黑。守宮砂點臂猶紅。雪一垂霰一陣時間驟擁。雲一攏雨一握何處行蹤。途路西東。烟霧冥濛。魂也難通。夢也難通。

「尾聲」這冤讎懷恨千鈞重。見時節心頭氣擁。想盼的我腸斷眼睛兒穿。直搗的他臉皮腫。

全元曲卷六

金陵盧 前纂

胡祇遹 不忽麻 陳草菴

胡祇遹

仙呂一半兒

四季

輕衫短帽七香車。九十春光如畫圖。明日落紅誰是主。王。漫躊躇。一半兒因風一半兒雨。(春)
紗廚睡足酒微醒。玉骨冰肌涼自生。驟雨滴點殘才住聲。閃出些月兒明。一半兒微陰一半兒晴。
(夏)

荷盤減翠菊花黃。楓葉飄紅梧幹蒼。鴛被不禁昨夜涼。醒秋光。一半兒西風一半兒霜。(秋)
孤眠嫌煞月兒明。風力禁持酒力醒。窗上一枝梅弄影。被兒底夢難成。一半兒溫和一半兒冷。(冬)

中呂喜春來

春景

幾枝紅雪牆頭杏。數點青山屋上屏。一春能得幾晴明。三月景。宜醉不宜醒。
閑花醺醺蜂兒蜜。細雨調和燕子泥。綠窗春睡覺來遲。誰喚起。窗外曉鶯啼。
一簾紅雨桃花謝。十里清陰柳影斜。洛陽花酒一時別。春去也。閒煞舊蜂蝶。

中呂快活三帶朝天子

賞春

梨花白雪飄。杏豔紫霞消。柳絲舞困小蠻腰。頭得東風惡。野橋路迢。一弄宛春光鬧。夜來微雨
洒芳郊。綠遍江南草。塞驢山翁。輕山烏帽。醉模糊歸去好。杖藜頭酒挑。花稍上月高。任拍手兒童
笑。

雙調沉醉東風

失題

月底花間酒壺。水邊林下茅廬。避虎狼。盟鷗鷺。是個識字的漁父。蓑笠綸竿釣今古。一任他斜風

細雨。

漁得漁心滿願足。樵得樵眼笑眉舒。一個罷了釣竿。一個收了斤斧。林泉下偶然相遇。是兩個不識字漁樵士大夫。他兩個笑加加的從今論古。

贈珠簾秀

錦織江邊翠竹。絨穿海上明珠。月淡時。風清處。都隔斷落紅塵土。一片閑情任卷舒。掛盡朝雲暮雨。

不忽麻

仙呂點絳脣

辭朝

寧可身卧糟丘。索強如命懸君手。尋幾個知心友。樂以忘憂。願作林泉叟。

〔混江龍〕布袍寬袖。樂然何處謁王侯。但尊中有酒。身外無愁。數着殘棋江月曉。一聲長嘯海門秋。山間深住。林下隱居。清泉濯足。強如閑事榮心。淡生涯一味誰參透。草衣木食。勝如肥馬輕裘。

「油葫蘆」雖住在洗耳溪邊不飲牛。貧自守。與閑身翻作抱官囚。布袍寬褪拿雲手。王霄占斷談天口。吹簫訪伍員。棄瓢學許由。野雲不斷深山岫。誰肯官路裏半途休。

「天下樂」明放着伏事君王不到頭。休休難措手。遊魚兇見食。不見鉤。都只蒸半紙功名一筆勾。急回頭兩鬢秋。

「那吒令」誰待似落花般鶯朋燕友。誰待似轉燈撥罷爭虎鬪。你看這迅指間烏飛兔走。假若名利成。至如田園就。都是些去馬來牛。

「鵲踏枝」臣只待評江樓卧山丘。一任教談笑虛名。小子封侯。臣向這任路上為官倦首。枉塵埋了錦帶吳鉤。

「寄生草」但得黃雞嫩。白酒熟。一任教疎籬牆缺茅庵漏。只要窗明炕暖蒲團厚。問甚身寒腹飽。麻衣舊。飲仙家水酒兩三甌。強如看翰林風月三千首。

「村里近鼓」臣離了九重宮闕。來到這八万宇宙。尋幾個詩朋酒友。向塵世外消磨白晝。臣只待領着紫猿。攜作白鹿。跨着蒼虬。觀着山色。聽着水聲。飲着王甌。倒大來省氣力。如誠惶頓首。

「元和令」臣向山林得自由。比朝市內不生受。王堂金馬間瓊樓。控珠簾十二鈎。臣向草庵門外見瀛洲。看白雲天盡頭。

「上馬嬌」但得個月滿丹。酒滿甌。只待雄飲醉時休。紫簫吹斷三更後。暢好是孤鶴唳一聲秋。

「遊四門」世間閑事掛心頭。唯酒可忘憂。非是微臣常戀酒。嘆古今榮辱。看興亡成敗。只待一醉解千愁。

「後庭花」揀溪山好處遊。向仙家酒旋籌。曾三島十洲客。強如宴功臣萬戶侯。不索你問緣由。把玄關泄漏。這簫聲世間無。天上有。非微臣說強口。酒葫蘆掛樹頭。打魚船纜渡口。

「柳葉兒」只待看山明水秀。不戀您市曹中物樣人稠。想高官重職難消受。學耕耨。種田疇。倒大來無慮無憂。

「賺尾」既把世情疎。感謝君恩厚。臣怕飲的是黃封御酒。竹杖芒鞋任意留。揀溪山好處追遊。就着這晚風收。冷落了深秋。飲遍金山月滿舟。那其間潮來的正悠。船開在當溜。卧吹簫管到揚州。

陳草菴

中呂山坡羊

失題十六首

伏低伏弱。裝呆裝落。是非猶自來着莫。任從他。待如何。天公尚有妨農過。蠶怕雨寒苗怕火。陰也是錯。晴也是錯。

身無所幹。心無所患。一生不到風波岸。祿休干。貴休攀。功名壘得皆虛幻。浮世落花空過眼。官也夢間。私也夢間。

林泉高攀。壘鹽貧過。官囚身慮皆參破。富如何。貴如何。閒中自有閒中樂。天地一壺寬。又聞東也在我。西也在我。

青霄有路。黃金無數。勸君萬事從寬恕。富也餘。貴也餘。望將後代兒孫護。富貴不依公道取。兒也受苦。孫也受苦。

繁華般弄。豪傑陪奉。一盃未盡笙歌送。恰成功。早無蹤。似昨宵一枕南柯夢。人世枉將花月寵。春也是空。秋也是空。

有錢有物。無憂無慮。賞心樂事。休辜負。百年虛。七旬疎。饒君更比石崇富。眼合一朝天數足。金也換王銀也換王。

風波實怕。唇舌休掛。鵝長鳬短。天生下。勸漁家。共樵家。從今莫講賢愚話。得道多助。失道寡賢也。在宅。愚也。在宅。

陰隨陰報。陽隨陽報。不以其道成家道。枉勦勞。不堅牢。錢財人口皆凶兆。一旦福生禍怎消。人也散了。財也散了。

須交人倦。須交人怨。臨危不與人方便。喫腥羶。著新鮮。一朝報應天公變。行止不依宅在先。飢也怨天。寒也怨天。

休爭閒氣。休生不義。終身孝悌心休退。去宅疑。掩人非。得官休倚官之勢。家富莫驕貧莫恥。天也順你人。也順你。

官資新受。功名將就。折腰為在兒曹穀賦歸休。便抽頭。黃花恰正開時候。籬下自教巾漉酒。功也罷手。名也罷手。

三閭當日一身辭世。此心倒大無繫繫。曲其泥。啜其醎。何須自苦風波際。泉下子房和范蠡。清也笑你醒也笑你。

爭誇聰惠。爭誇手藝。乾坤一潭清濁氣。察其實。不能知。時間難辨魚龍輩。只到禹門三月里。龍也認得。魚也認得。

天於人樂。天於人禍。不知此個心何若。嘆。蕭何。及調駿。未央宮羅惹埽侯過。千古史書難改抹。成也是它。敗也是它。

晨雞初叫。昏鴉爭噪。那個不去紅塵鬧。路迢迢。水迢迢。功名盡在長安道。今日少年明日老。山依舊好。人憔悴了。

生須依舊衣食足夠。(中缺四句)天道若能隨分守。身也自由。心也自由。

全元曲卷七

金陵盧 前纂

盧 摯

盧 摯

黃鍾節節高

題洞庭鹿角廟壁

雨晴雨散滿江明月。風微浪息。扁舟一葉。半夜心。三生夢。萬里別。悶倚篷窗睡些。

南呂金字經

崧南秋曉

謝公東山卧。有時攜妓游。老我崧南書滿樓。樓外頭。亂峯雲錦秋。誰為壽。綠鬟雙玉丹。

宿邯鄲驛

夢中邯鄲道。又來走這遭。須不是山人索價高。時自嘲。虛名無處逃。誰驚覺。曉霜侵鬢毛。

中呂紅繡鞋

訪立軒上人於廣教精舍作此命佐樽者歌女阿嬌楊氏也

相約下禪林。閑士更尋將。樂府嬌兒。鶴唳松雲。雨催詩。你聽疎老子。剗地勸分司。他只道人生行樂耳。

恰數點空林雨後。笑多情。逸叟風流。俊語歌聲。互相酬。且不如攜翠袖。撞鐘樓。都是些醉鄉中方外友。

雖不至維摩居士。但將來楊氏嬌姿。恰如親見早梅枝。（下闕）

這一等煙霞滋味。敬亭山。雲甚玄暉。玉頰霜鬢。笑相攜。快教歌宛轉。直待要酒淋漓。都道快遊山。誰似爾。

雪中黎正卿招飲賦此五章命楊氏歌之

數盞後。兜回吟興。六花飛惹起歌聲。東道西隣。富有情。這其間聽鶴唳。再索甚趁鷗盟。不强如孟襄陽。乾受冷。

恰才見彤雲旋磨。便相邀老子。娑婆似臺榭。楊花點青娥。那些是風流處。這才是雪兒歌。便有竹間茶。也不用他。

雖不至擣綿扯絮。是誰教翦王跳珠。是誰把溪山粉妝梳。且圖待添些酒興。官甚凍了吟鬚。看乘風膝六舞。

又沒甚金吾呵夜。剎尋將王女來也。一曲陽春助清絕。便章臺街閑信馬。曲江岸誤隨車。且不如竹窗深閒聽雪。

泛公子樽中雪液。倩佳人掌上金杯。淺酌清歌翠顰眉。直喫到銀燭暗。玉繩低。雪晴時人未歸。

天寧北山禪老招飲於雙松精舍二首

春意滿禪牀。蔥蒨豔歌聽倚竹。嬋娟掩映雲龕敞。風軒頓悟同摩詰。病強半是散花仙。原來這醉鄉離朝市遠。

脂粉態前生。綠業笑渠儂一剗心邪。繞誦罷楞嚴禮釋伽。管甚空色夢。你且近前些。與這老松作個嬌侍者。

正宮黑漆弩

晚泊采石醉歌田不伐黑漆弩因次其韻寄蔣長卿金司劉英湖巨川

湘南長憶嶺南住。只怕失約了。鰲父。蟻歸舟喚醒湖光。聽我蓬窗春雨。故人傾倒襟期。我亦載愁東去。朝來暗別江濱。又彈擗蛾眉晚處。

中呂喜春來

贈伶婦楊氏嬌嬌

香淒索笑梅花韻。嬌嬈傳杯竹葉春。歌珠圓轉翠眉顰。山隱隱。留下九皋雲。

陵陽客舍偶書

梅擎殘雪芳心耐。柳倚東風望眼開。溫柔尊俎小樓台。紅袖客。低唱喜春來。攜將王友尋花寨。看褪梅妝等杏肥。休隨劉阮訪天台。仙洞窄。別處喜春來。

和則明韻

騷壇坐遍詩魔退。步障行看肉陣迷。海棠開後燕飛回。□暫息。愛月夜眠遲。春雲巧似仙翁帽。古柳橫為獨木橋。風微塵軟落紅飄。沙岸好。草色上羅袍。

中呂普天樂

湘陽道中

岳陽來。襄陽路。望炊烟田舍。掩映溝渠。山遠近。雲來去。溪上招提烟中樹。看時見三兩樵漁。憑誰畫出行人得句。不用前驅。

雙調沉醉東風

失題

挂絕巖松梢倒倚。落殘霞孤鷺齊飛。四圍不盡山。一望無窮水。散西風滿天秋意。夜靜雲帆月影低。載我在瀟湘畫裏。

對酒

對酒問人生。幾何被無情。日月消磨。煉成服內丹。潑熱心頭火。葫蘆提醉中間過。萬里雲山入浩歌。一任旁人笑我。

避暑

避炎暑。頻移竹榻。趁新涼。懶裏烏紗。柳影中槐陰下。旋敲冰沉李浮瓜。會受用文章處士家。午夢

醒披巾散髮。

舉子

辭辛苦桑樞鑿牖。誇榮華鳳閣龍樓。脫布衣。披羅紋。跳龍門。獨占鰲頭。今日男兒得志秋。會受用。宮花御酒。

嘆世

拂塵土麻條布袍。助江山酒聖詩豪。乾坤水上萍。日月籠中鳥。歎浮生幾回年少。破屋春深雪未消。白髮催人易老。

適興

舞低簇春風絳紗。歌輕敲夜月紅牙。金橙泛綠醕。銀燭燒紅蠟。煞強如冷齋閒話。沉醉更深恰到家。不記的誰扶上馬。

七夕

銀燭冷秋光。畫屏碧天晴夜靜。閒亭蛛絲度綉針。龍麝焚金鼎。慶人間佳令。罔看牽牛織女星。月

轉過梧桐樹影。

重九

題紅葉清流御溝。賞黃花人醉歌樓。天長雁影稀。月落山容瘦。冷清清暮秋時候。衰柳寒蟬一片愁。誰肯教白衣送酒。

退步

南柯夢清香盡戟。北邙山壞塚殘碑。風雲變古今日月搬興廢。為功名枉爭閒氣。想位顯官高則待甚底。也不入麒麟畫裏。

閑居三首

雨過分畦種瓜。旱時引水澆麻。共幾箇田舍翁。說幾句莊家話。瓦盆邊濁酒生涯。醉裏乾坤大住。他高柳清風睡煞。

恰離了綠水青山那答。早來到竹林茅舍人家。野花路畔開。村酒槽頭榨。直吃的欠欠答答。醉了山童不勸咱。白髮上黃花亂插。

學邵平坡前種瓜。學淵明籬下栽花。旋鑿開菰苔池。高豎起茶蘼架。悶來時石鼎烹茶。無是無非。快活煞。鎖住心猿意馬。

春情

殘花釀蜂兒蜜脾。細雨和燕子香泥。白雪柳絮飛。紅雨桃花墜。杜鵑聲又是春歸。縱有新詩贈別。離。離。離。不可相思病體。

雙調落梅風

失題四首

銀臺燭。金獸煙。夜方闌。畫堂開宴。管絃停。玉杯斟較淺。聽春風過雲歌遍。金蕉葉。銀蓓花。捲長江酒杯低亞。醉書生且休扶上馬。聽春風王簫吹罷。詩難詠。畫怎描。欠漁翁玉蓑獨釣。低唱淺斟金帳曉。勝烹茶愛家風調。

攢缸酒。味轉佳。刻春宵古今無價。約尋盟綠楊中間繫馬。醉春風碧紗窗下。別珠簾秀。

纔歡悅。早間別。痛煞俺好難割捨。畫舫兒載將春去也。空留下半江明月。

雙調水仙子

西湖田時漁歌

湖山佳處那些兒。恰到輕寒微雨時。東風懶倦催春事。噴垂楊裊綠絲。海棠花偷抹胭脂。任吳岫眉尖恨。厭錢塘江上詞。是個妬色的西施。

朱簾畫舫那人兒。林影荷香雨霽時。尊前歌舞多才思。紫雲英瓊樹枝。萬波光山色參差。切香脆江瑤膾。學輕紅新荔枝。是個好客的西施。

蘇堤鞭影半痕兒。常記吳山月上時。閒尋靈鷲西巖寺。冷泉亭偏費詩。看烟鬟塵外豐姿。染絳綃裁霜葉。釀清香飄桂子。是個百巧的西施。

梅梢雪霽月牙兒。點破湖烟雪落時。朝來亭樹瓊瑤似。笑漁蓑學鷺鷥。照歌臺玉鏡冰姿。誰僂僂鷗夷子。也新添兩鬢絲。是個淡淨的西施。

雙調殿前歡

失題八首

春陽妝。更何須。蘭被借溫芳。王妃不卧鮫綃帳。月尸雲窗。前村遠驛。路長空惆悵。憑誰問。花無恙。被春愁。曉夢瘦損何郎。

萬花叢。殢韶光。肯放彩雲空。麝驄未解三生夢。嬌滴滴。一捻春風。歌席邊。笑語中。秋波送。依約見芳心動。被啼鶯。戀住江上歸鴻。

海棠庭。這紅妝也見。王人情。被東風吹軟。新歌口。都為花卿。黃鸝飛。白鹿鳴。山林興。佳麗相輝映。是煙霞翠袖。錦帳雲屏。

小樓紅。隔紗窗斜照。月朦朧。繡衾薄。不耐春寒重。簾幙無風。篆煙銷。寶鼎空。誰成夢。孤負了。鶯和鳳。山長水遠。何日相逢。

作閒人。白澹波。濯盡利名塵。回頭不覩長安近。守分清貧。足不襪髮不巾。誰嗔問。無事縈方寸。煙霞伴侶。風月比隣。

弄陽人。王溪先占一枝春。紅塵驛使傳芳信。深雪前村。冰梢上月。一痕雲初褪。瘦影向紗窗上印。

香來夢裏。寂寞黃昏。

酒杯濃。一萌蘆春色。醉疏翁。一萌蘆酒。疊花梢重。隨我奚童。萌蘆乾。不窮。誰人共。一帶青山送。乘風列子。列子乘風。

酒頻沽。正花間。山鳥喚提壺。一萌蘆。提在花深處。任意狂疎。一萌蘆。狗也無。臨時覷。不夠時重沽。去。任三閭笑我。我笑三閭。

雙調折桂令

洛陽懷古

河南

杜鵑聲啼破南柯。恨流盡繁華。洛水寒波。全谷花飛。天津樹老。幾被消磨。向司馬兜家問他。怎直教荊棘銅駝。老子婆娑。放着行窩。不醉如何。

夷門懷古

汴梁

想那枚千古才名。覺范又辭。氣壓西京。汴水煙波。隋隄困柳。枉共春爭。恰鼓板聲中太平。鷓鴣啼。驚破青城。河岳丹青。臨眺枯榮。陶冶襟塵。

咸陽懷古 京兆

對關河今古蒼茫。甚一笑驪山一炬阿房。竹帛煙消。風雲日月。夢寐隋唐。快尋趁王家醉鄉。見終南捷徑休忙。茅宇松窗。儘可棲遲。大好徜徉。

郭下懷古 彰德

笑征西伏櫪悲吟。纔鼎足功成。銅爵春淒。軟動歌殘。無愁夢斷。明月西沉。算只有韓家畫錦。對家山輝映來今。喬木空林。幾度西風。感慨登臨。

潁川懷古 潁州

笑邯鄲奇貨難居。似帷幄功成。身退誰欺。潁水東流。菰丘西去。臨眺躊躇。記遊宦三川故都。儘龍門風物何如。吾愛吾廬。欲倩林泉。納下樵漁。

汝南懷古 蔡州今汝寧

記元戎洄曲奇勳。被雪鵝池。驚倒驛軍。誰雜聲沉。無端世故。幾度兵塵。有客子經過汝墳。望飛來遼海愁雲。奄冉西曠。倚遍幽軒。吟斷蘭生。

廣陵懷古 揚州

對平山懶賦萼城笑。葦花枝頭惹住歌行。風調才情。青樓一夢杜牧三生。更誰看橋邊月明。是誰留花更飛瓊。欲問承平。牛羊賓朋。懷斷江聲。

京口懷古 鎮江

道南宅豈識樓桑。問何許英雄。驚倒孫郎。漢鼎纔分。流涎晉宋。彈指蕭梁。昭代車書四方。北溟魚浮海吞江。臨眺蒼茫。醉倚歌鬟。吟斷寒窗。

吳門懷古 平江

倚夕陽麋鹿荒臺。對平楚江空。老樹蒼崖。季子高風。閭門陳迹。換事興懷。誰種下吳宮。禍胎。芡蘩山華鳥飛來。仗節英才。傾國佳人。幾度塵埃。

錢塘懷古 杭州

問錢塘佳麗誰邊。且莫說詩家。白傅坡仙。勝會華筵。江湖鼓吹。天竺雲煙。那柳外青樓畫舫。在西湖蘇小門前。歌舞留連。棲越吞吳。付與忘言。

金陵懷古 建康

記當年六代豪誇。甚江左歸來。王樹無花。商女歌聲。臺城暢望。淮水煙沙。問江左風流故家。但夕陽衰草寒鴉。隱映殘霞。零落歸帆。鳴咽鳴船。

宣城懷古 寧國

對江山吟斷高齋。想甲第名園。棠隸花開。曉夢疏鐘。高城草木。廢沼荒臺。快吹盡陵峯暮靄。等閒姑空翠飛來。渺渺予懷。天淡雲閒。萬事浮埃。

潯陽懷古 江州

笑元規塵腕清談。使儘自風流。用世何堪。陶謝醺酣。香消蓮社。俾悅誰參。琵琶冷江空月慘。淚痕淹。司馬青衫。惱亂雲鬢。我欲尋林。結箇茅庵。

武昌懷古 舊鄂州

問黃鶴驚動白鷗。甚鷗鵲能言。理恨芳洲。歲晚江空。雲飛風起。血滿清秋。有越女吳姬楚酒。莫虛負老丁南樓。身世虛舟。十載悠悠。一笑休休。

江陵懷古 古荊州

慨星槎兩度南巡。想神女朝雲。宋王清秋。漢魏名流。臨風吹笛。作賦登樓。誰學下宮腰。種柳又添些眉黛。新愁。漁父同舟。應笑湘纍。不近糟丘。

長沙懷古 潭州

朝瀛洲暮艤湖濱。向衡麓尋詩。湘水尋春。澤國初蘭。汀洲零若。誰與招魂。空目斷蒼梧暮雲。黯黃陵寶瑟凝塵。世態紛紛。千古長沙。幾度詞臣。

襄陽懷古

鹿門山儘好幽棲。且聽甚羣兒。爭唱銅鞮。換節懷予。平生傳癖。頃日書牋。誰醉看花間接蘿。更誰家日暮。習池。感慨興衰。欲問沙鷗。正自忘機。

算山感懷

巢由後隱者誰何。試屈指高人。卻也無多。漁父嚴陵。農夫陶令。儘會婆娑。五柳莊磁甌瓦鉢。七里灘雨笠烟蓑。好處如何。三徑秋香。萬古蒼波。

海棠

恰西園錦樹花開。便是春滿東風。燕子樓臺。幾處門牆。誰家桃李。自分塵埃。記銀燭紅妝。夜來洞房深掩。映閒齋。醉眼吟懷。林下風流。海上蓬萊。

白蓮

映橫塘煙柳風蒲。自一種仙家。玉雪肌膚。淨洗炎塵。輕搖羽扇。瓊汪冰壺。又猜是耶溪越女。怕紅裙不稱清疎。香動詩臚。鷗鷺同盟。雲水深居。

丹桂

說秋英嫵媚姮娥。共金粟如來。示現維摩。月下幽叢。淮南勝韻。招隱誰呵。管因為清香太多。這些時學我婆娑。縱覽巖阿。換節高歌。時到無何。

紅梅

縱冰痕數點胭脂。莫猜做人間。繁杏枯枝。大竺丹成。山茶茜染。照映參差。共倚竹佳人看時。索饒他風韻些兒。脈脈奇姿。應解癡翁。鑑賞妍媸。

揚州汪右承席上卽事

江城歌吹風流。雨過平山。月滿西樓。幾許華年。三生醉夢。六月涼秋。按錦瑟佳人勸酒。掩珠簾尋
接涼州。客去還留。雲樹蕭蕭。河漢悠悠。

廣帥餞別席上贈歌者江雲

問江雲何處飛來。全不似尋常。舞榭歌臺。溟海星槎。清秋月窟。流水天台。準備下新愁送客。強教
他眉黛舒開。楚楚離懷。香動羅襦。夢繞金釵。

寒食新野道中

柳濛烟。梨雪參差。犬吠柴荆。燕語茅茨。老瓦盆邊。田家翁媪。鬢髮如絲。桑柘外秋千女兒。髻雙丫
斜插花枝。轉盼移時。應嘆行人馬上哦詩。

雲臺醉歸

瀨靈宮畔。雲臺日落。春川半醉歸來。古道西風。荒叢細水。老樹蒼苔。萬古潼關過客。儘清狂得似
疎齋。翠壁丹崖。題罷新詩。王井蓮開。

醉贈樂府珠簾秀

繁行丹雘。遙卿卿。愛林下風姿雲外歌聲。寶鬢堆雲。冰絃散雨。總是才情。恰綠樹南黃晚晴。險些兒羞殺啼鶯。客散郵亭。楚調將成。醉夢初醒。

贈歌者蕙蓮劉氏

問何人樹蕙芳洲。便春滿詞林。香滿歌樓。紈扇微風。羅裙纖月。作弄新秋。好客呵風流太守。怎生般玉樹維丹。樽酒遲留。醉墨烏絲。當得纏頭。

贈歌者劉氏

白沙翠竹柴門。弭節山家。已待黃昏。林下瓊枝。燈前金縷。滿意芳樽。誰恁地教人斷魂。是東風吹墜行雲。寶靨羅裙。淺笑輕顰。不枉留春。

濠江丹中值雨

雨霏霏畫舫亭亭。誰喚起江妃。驚動山靈。萬壑千巖。空濛霧帳。掩映雲屏。相猜是孤槎客星。待溫存湖海飄零。且向南溟。應笑虛名。不負平生。

六月望西湖夜歸

看西湖休比誰呵。纔說到西湖。便似了東坡。寶瑟鳴泉。烟鬢翠領。玉鏡晴波。數十處芙蓉畫舸。對三山樓觀。嗟咏。問夜如何。月下婆娑。恰似姮娥。

冬夜宿丞天喜利軒

聽星簪送壑雲林。是江上學仙。方外知音。飲瀝餐松。合宮嚙羽。戛玉鐘金。向方丈蓬萊夜深。莫吹笙不用鳴琴。思滿冲襟。一曲將終。萬籟俱沉。

太初次韻見寄後和以答

論詩家翦取吳淞。與眾鳥孤雲。琢句誰工。一笑齊名。三生舊夢。思滿春空。算今日東風座中。寄新詞兩度鱗鴻。驚動山容。喚起江聲。誰更如公。

正月十四日嵇秋山生日

記春星初度今朝。甚卻在秋山。梅牌松巢。笑掩蒙莊。金沙霧散。王友神交。飛瓊唱偏宜洞簫。似麻姑瘖處能搔。有客招搖。一刻千金。最是燈宵。

賈餗庵樓居卽事

這先生會與雲閒。偏獨自樓居。攬斷溪山。客子尋真。林端稅駕。雪意凭欄。想竹葉知人病懶。共梅花笑到春寒。蕭散襟顏。辦下新聲。少個仙鬟。

正卿壽席

問東君借得春來。早雲綠歌鬟。香動梅腮。初度筵開。金蘭賓友。玉樹庭階。恰侵曉交暉。香燭壽星明相近。三台林壑襟懷。又來風流。瓊映霜臺。

肅政黎公庚戌除夜得孫翌日見招作此以賀

映梅林修竹高隣。恰今旦開年。昨晚生孫。撫節邀賓。銀缸照夜。寶篆留春。快傳語江東縉紳。臚歌謠天上麒麟。昭代人門。準備詩書。等候風雲。

辛亥正月十日遊胡仲勉家園

辨鳥絲准備揮毫。倩昨暮東風。點綴今朝。吟斷蘭陵。香浮竹葉。玉綻梅梢。唱白雪新聲阿嬌。萬雨金一刻春宵。歸路休教。燈月光中。踏破瓊瑤。

詠別二首

離人易水橋東。萬里相思。幾度征鴻。引逗淒涼。滴溜溜。葉落秋風。但合眼。鴛鴦帳中。急溫存。雲雨無蹤。夜半衾空。想像冤家。夢裏相逢。

記相逢。二八芳華。心事年來。付與琵琶。密約深情。便如夢裏。春鏡攀花。空恁底。狐靈笑耍。芳心腸。作弄難拿。到了偏咱。到底虧宅。不信情雜。忘了人那。

鄴華

嗟南朝六代傾危。結綺臨春。今已成灰。惟有臺城。挂殘陽。水遠山圍。胭脂井。金陵草萋。后庭空。王樹花飛。燕舞鶯啼。王謝堂前。待得春歸。

蕭娥

梵王宮。深鎖嬌娥。一曲離筵。百二山河。煬帝荒淫。樂陶陶。鳳舞鸞歌。瓊花綻。春生書舸。錦帆飛。兵動千戈。社稷消磨。汴水東流。千丈洪波。

楊妃

玉環乍出蘭湯。舞按盤中。一曲霓裳。羯鼓聲催。闌垓垓。士馬漁陽。梧桐雨彫零了。海棠。荔枝塵埋。沒了香囊。痛殺明皇。蜀道艱辛。唐室荒涼。

西施

建姑蘇。百尺高臺。貪看西施。杏臉桃腮。月暗錢塘。不限防越國兵來。吳王塚。殘陽暮靄。伍員墳老樹蒼苔。范蠡賢哉。社稷功成。烟水船開。

綠珠

後堂深翠錦重重。綠軟紅嬌。留住春風。萬劫情緣。想人生。樂事難終。寶鑑破。香消玉容。鳳樓空酒吟金鍾。金谷成空。過了繁華。落水流東。

小卿

暮雲遮野寺。山城渡口風來。一葉帆輕。宿鴈驚飛。冷清清。敗葦寒汀。吳江闊。澄波萬頃。楚天遙明。月三更。金斗蘇卿。一首新詩。萬古離情。

巫娥

想巫山仙子風流。不念襄王。多病多愁。夢斷陽臺。冷清清玉殿珠樓。暮雨燈昏綠牖。望朝雲簾捲金鈎。離恨悠悠。舊約新盟。往事難酬。

高女

水籠烟。明月籠沙。浙瀝秋風。哽咽鳴茄。悶倚蓬窗。動江天兩岸蘆花。飛鷺鳥青山落霞。宿鴛鴦錦浪淘沙。一曲琵琶。淚溼青衫。恨滿天涯。

橙盃

摘將來。猶帶吳霜。繡轂輕紋。顏色深黃。纖手佳人。用并刀剖出甘穰。波潑灩宜斟玉漿。樣團圓雅稱金觴。酒入詩腸。醉夢醒來。齒頰猶香。

敬亭贈別丁太初憲使

映蒼巖磊砢孤松。待樹蔥蒨蘭。分付春工。夢短歌殘。霜寒木落。歲晚江空。且莫說邯鄲道中。聽吾詩目送飛鴻。歸棹春容。政爾孫劉。未害為公。

樂隱

碧波中范蠡乘舟。殢酒簪花。樂以忘憂。蕩蕩悠悠。妝點秋江。白鷺沙鷗。怎棹不過黃蘆岸。白蘋渡口。且灣在綠楊堤。紅蓼灘頭。醉時方休。醒時扶頭。做煞人間。伯子公侯。

勸世

想人生七十猶稀。百歲光陰。先過了三十。七十年間。十歲頑童。十載尪羸。五十歲除分晷黑。剛分得一半兒白日。風雨相隨。白髮相催。仔細思量。都不如快活了便宜。

田家二首

奴耕婢織生涯。門前栽柳。院後桑麻。有客來時。汲清泉自煮茶芽。稚子謙和禮法。山妻軟弱賢達。守着些實善隣家。無是無非。問甚麼富貴榮華。

沙三伴哥來啖。兩腿青泥。只為撈蝦。太公莊上。楊柳陰中。磕破西瓜。小二哥昔涎刺塔。碌軸上撿着個琵琶。看蕎麥開花。綠豆生芽。無是無非。快汪煞莊家。

越調小桃紅

失題

壽筵添上小桃紅。裝點湖天供。茜蕊冰痕半浮動。彩雲中。生香喚醒羅浮夢。銀杯綠蟻。瓊枝清唱。全勝醉鼈叅。

商調梧葉兒

贈歌妓

紅綃皺。眉黛愁。明豔信清秋。文章守。今素侯。最風流。送花與疎齋病叟。

席間戲作四首

花間坐。竹外歌。翠黛轉秋波。你自在空躊躇。我如何肯恁麼。卻又可信着它。沒倒斷癡心兒為我。

低聲語。嬌唱歌。韻遠更情多。筵席上。疑怪它。怎生呵。眼搓里頻頻地覷我。

新來瘦。忒悶多。非酒病為詩魔。纖腰舞。皓齒歌。便俏些個。待有甚風流罪過。

全不見。日髭鬢。纔四十整有家珍。無半點兒心腸硬。醇一味。麗道兒口。錦片也似好前程。到健如青春後生。

82

200.00 100.00 100.00 100.00

15

三十六年十二月
第一册開始印行